

元史紀事本末卷之二十

明 高安陳邦瞻原編

吳興臧懋循纂輯

太倉張溥論正

鐵木迭兒之奸

武宗至大三年雲南行省左丞相鐵木迭兒擅離職
赴闕尚書省奏奉旨詰問尋以皇太后旨赦之

仁宗皇慶元年三月中書右丞相鐵木迭兒以病免
先是武宗崩帝在東宮以丞相三寶奴等變亂舊章

尚書省奏鉄
永迭兒離職
之罪皇太后
赦之
仁宗誅三寶
奴等

鐵木迭兒以病免

合散舉鐵木迭兒為右相

誅之用完澤及李孟為中書平章政事銳欲更張政事而皇太后在興聖宮已有旨召鐵木迭兒為中書右丞相踰月帝即位因遂相之及幸上都命鐵木迭兒居守大都至是以病去職

延祐元年九月復以鐵木迭兒為中書右丞相時右丞相合散自言非世勲族姓不可獨當國因舉鐵木迭兒自代遂拜開府儀同三司錄軍國重事居數月復進右丞相以合散為左丞相鐵木迭兒奏言往時富民往諸蕃商販率獲厚利蕃貨日重請遣官置綱

鐵木迭兒遣使騷擾蔡五九作亂

張珪劾鐵木迭兒太后杖之

以征其貨私往者沒官又請預買山東河間運使來歲鹽引及各治鐵貨以足用又江南田糧雖嘗經理多未核實可始自江浙以及江東西宜先事嚴限格令田主自實仍禁勢豪毋得阻撓帝皆從之尋遣使者分行各省括田增稅苛急煩擾江右為甚明年贛民蔡五九作亂南方騷動詔罷其事五九尋伏誅三年三月中書平章政事張珪罷時帝如上都皇太后以張珪嘗劾鐵木迭兒不可使為太師召珪切責杖之珪劾甚輿歸時珪子景元宿衛左右以父病篤

元史紀事本末卷二十一
辭還帝驚問故殊不懌遣使賜珪酒進拜大司徒遂
謝病歸

楊朶兒只與
蕭拜住賀勝
奏鐵木迭兒
罪惡帝但罷
其相位

四年六月鐵木迭兒罷以合散爲右丞相鐵木迭兒
之再入相恃勢貪虐兇穢滋甚中外切齒羣臣不知
所爲平章政事蕭拜住稍牽制之中丞楊朶兒只慨
然以糾正其罪爲已任上都富民張弼殺人繫獄鐵
木迭兒使家奴脅留守賀勝使出之勝不可朶兒只
廉得鐵木迭兒受弼賂鉅萬萬乃與拜住及勝奏之
而內外御史凡四十餘人共劾其桀黠姦貪欺上罔

下占據晉王田及衛兵牧地竊食郊廟供祀馬受諸
王人等珍玉之賄動以萬計誤國之罪又在阿合馬
桑哥上四方憤嫉咸願車裂斬首以快人心奏上帝
震怒鐵木迭兒懼逃匿太后宮朶兒只持之益急太
后召朶兒只責之帝不忍傷太后意但罷其相位而
遷朶兒只爲集賢學士

六年四月鐵木迭兒復起爲太子太師中丞趙世延
論其不法數十事併內外臺劾其不可輔導東宮者
又四十餘人帝以太后故皆不聽

鐵木迭兒復
起趙世延極
論不聽

仁宗崩鉄木迭兒復相遂殺蕭拜住楊朶兒只

七年正月帝崩太后以鐵木迭兒為中書右丞相

二月殺平章蕭拜住御史中丞楊朶兒只鐵木迭兒

既相以二人嘗攻其姦惡必欲報之遂以太后旨召

二人至徽政院與徽政使失烈門御史大夫禿禿哈

雜問之罪以違太后旨朶兒只曰中丞之職恨不即

斬汝以謝天下果違太后旨爾豈有今日耶鐵木迭

兒又引同時御史二人證其罪朶兒只唾之曰汝等

備員風憲為是狗彘事耶坐者皆慙俯首鐵木迭兒

即起入奏未幾傳旨執二人載諸國門外殺之並籍

朶兒只妻劉氏守節

其家是日風霾晦暝都人淘淘道路相視以目後欲

奪朶兒只妻劉氏與人劉剪髮毀容自誓乃免時鐵

木迭兒日思報復讐怨誅戮不已左丞張思明謂曰

山陵甫畢新君未立丞相恣行殺戮人皆謂陰有不

臣之心萬一諸王駙馬疑而不至奈何不可不熟慮

也眾皆危之鐵木迭兒稍悟曰非左丞言幾誤吾事

三月太子即位鐵木迭兒進開府儀同三司上柱

國太師左遷前中書平章李孟為集賢侍講學士

鐵木迭兒以孟初不附已欲因其不就陰中之孟拜

張思明規鉄才迭兒報復

李孟不辭集賢之命

命欣然帝謂鐵木迭兒子八爾吉思曰爾輩謂孟不肯為是官今何如由是無敢言 五月殺上都留守

鐵木迭兒殺賀伯顏

賀伯顏鐵木迭兒怨伯顏嘗發張弼之獄乃奏其便服迎詔為不敬殺之籍其家 八月下四川平章政

事趙世延獄初世延既解中丞出為四川平章鐵木

迭兒猶以世延劾其姦誣怨之不已屬其黨誘世延

下趙世延獄鐵木迭兒欲殺之帝不允

從弟胥益兒哈呼誣告之逮世延置對既遇赦猶鍛

鍊成獄請置極典并究省臺諸臣帝不允謂近侍曰

頃鐵木迭兒必欲置趙世延于死地朕素聞其忠良

故每奏不納左右咸稱萬歲

英宗至治二年八月鐵木迭兒死鐵木迭兒自復相

以來恃其權寵乘間肆毒睚眦之私無有不報帝覺

其所譖毀者皆先帝舊人滋不悅其所為乃任左丞

相拜住委以心腹由是鐵木迭兒漸見疎外因稱疾

不出及聞拜住奉旨往立其祖安童碑於范陽將復

泣省事入朝至內帝聞其來遣人止之遂怏怏而死

英宗任拜住鐵木迭兒怏怏而死

蓋繼元宋翼請追治鐵木

三年五月監察御史蓋繼元宋翼言鐵木迭兒奸貪負國生逃顯戮死有餘辜乃命拆毀所立碑并追奪

迭兒罪

官爵籍沒其家

張溥曰阿合馬盧世榮桑哥至元之蠹也鐵木迭兒皇慶延祐之蠹也燕帖木兒至順之蠹也伯顏哈麻搠思監元統以來之蠹也羣蠹害政或竄或誅考終者少獨鐵木迭兒太師再相權寵終身燕帖木兒總政專國淫樂及死雖蓋棺罪顯不免刑章而放恣一生竟逃國法公憤所結不能不與李林甫秦檜二賊同恨也燕帖木兒者固欽蔡氏武宗鎮朔方以宿衛得幸乘泰

定之崩擁立文宗倒刺沙梁王王禪等舉兵相向敗績被誅謀先定策身兼血戰絳侯博陸謂莫予勞泰定之后取爲夫人文宗之子養於私家男則帝兒女則帝后熏赫旣極身死難作唐其勢謀叛家族破滅延及惠后名惡不可居勢重不可反一傳而敗得禍猶晚鐵木迭兒則辟陽賤臣功無尺寸太皇太后崩始議追奪緩誅益甚矣北魏宣武寵胡充華立其子翊而不忍殺也後爲太后稱制嬖鄭儼徐紇殺元乂宣淫

蠱政帝翊不堪。詔爾朱榮至京師。謀洩遇鳩。榮
 遂稱兵。洛陽大亂。魏分爲二。順后不制。幾同胡
 靈。鐵木迭兒之奸。亦類儼。紇天下幸無患者。主
 權尚握。元凶早逝。爾然燕帖木兒。心乎文宗。欲
 立燕帖古思。順帝乃明宗之子。非所樂奉也。燕
 帖木兒死。然後正位。雖納其女。竊心啗之。伯顏
 等因勢搆。却斬戮。立盡。英宗素不悅鐵木迭兒。
 其黨鐵失弒之。泰定以晉邸鎮北邊。爲諸王所
 立。感買奴之言。始行義殺於鐵木迭兒。固無怨
 也。痛發於傷心者。禍害必深。義激於好名者。報
 復嘗淺。賊臣當此。亦有幸不幸存其間乎。

元史紀事本末卷之二十一

明 高安陳邦瞻原編

吳興臧懋循纂輯

太倉張溥論正

晉邸之立

英宗至治三年八月御史大夫鐵失弑帝于南坡及右丞相拜住初鐵木迭兒既奪爵籍產鐵失等以奸黨不自安帝在上都夜寐不寧命作佛事拜住以國用不足諫止之既而懼誅者復陰誘羣僧言國當有

英宗明斷鐵失與也先鐵木兒等弑之并殺拜住

厄非作佛事大赦無以禳之拜住叱曰爾輩不過圖得金帛而已又欲庇而罪耶奸黨聞之益懼乃生異謀至是帝自上都南還駐蹕南坡是夕鐵失與知樞密院事也先鐵木兒諸王按梯不花等謀逆以鐵失所領阿速衛兵為外應鐵失先與前平章政事赤斤鐵木兒殺右丞相拜住而鐵失直犯禁幄手弑帝於卧所時年二十一帝性剛明嘗以地震避殿徹樂減膳近臣有稱觴賀者叱曰朕方修德不暇汝為大臣不能匡輔反為諂耶拜住進曰咎在臣等宜求賢自

按梯不花等迎晉王也孫鐵木兒于北邊

代帝曰無多遜朕之過也嘗謂宰執曰中書選人署事旬日御史臺即改除之臺除者中書亦然今山林儒逸良多卿等不能盡心求訪惟以親戚故舊更相引用耶其明斷多類此然以果於刑戮奸黨畏誅遂構大變云 諸王按梯不花及也先鐵木兒奉璽綬迎晉王也孫鐵木兒于北邊也孫鐵木兒者裕宗之孫晉王苴麻刺長子也襲封晉王仍鎮北邊初王府內史倒刺沙得幸於王嘗偵伺朝廷事機以其子哈散事丞相拜住得入宿衛久之哈散知鐵失欲傾害

拜住遂脫歸。是年三月，宣徽使探忒來王邸，為倒刺沙言：主上將不利于晉王。由此二人深相要結。八月二日，鐵失密遣幹羅思來告曰：我與哈散也先、鐵木兒失秃兒謀已定，事成推立王為皇帝。又以告倒刺沙曰：爾與馬速忽知之，勿令旭邁傑得聞也。於是王命囚幹羅思，別遣列迷失赴上京，以密謀告變。未至，帝遇弒。於是諸王按梯不花及也先、鐵木兒奉皇帝璽綬來迎。九月，晉王即皇帝位於龍居河，大赦天下。以也先、鐵木兒為右丞相，倒刺沙為中書平章政

王即位買
密請誅元

誅逆賊也先
鐵木兒等

事。鐵失知樞密院事，時諸王買奴言于帝曰：不誅元凶，則陛下善名不著天下，後世何由而知陛下心帝深然之。十月，遣使至大都，以即位告天地宗廟社稷。誅逆賊也先、鐵木兒完者秃滿等於行在所。以旭邁傑為中書右丞相，紐澤為御史大夫，遣入京師。收鐵失及其黨赤斤、鐵木兒等，悉誅之。戮其子孫，籍沒家產。為鐵木迭兒子鎖南議遠流。張珪曰：鎖南從逆賊親，所丞相拜住臂，乃欲活之耶。十一月，帝至大都。十二月，御史臺經歷朶兒只班、御史撒兒塔罕

朶兒只班等
坐鐵失黨免
官

趙成慶等請
誅鎖南等

流月魯等

旭邁傑等請
封買奴為泰
寧王

兀都蠻郭野先忽都並坐黨鐵失免官。於是監察御史趙成慶等言鐵木迭兒在先朝包藏禍心離間親藩誅戮大臣使先帝孤立卒罹大禍其子鎖南親與逆謀以逃天憲乞正其罪以快元元之心。月魯禿禿哈散敦皆鐵失之黨不宜寬宥遂並伏誅。流諸王月魯鐵木兒于雲南按梯不花于海南曲呂不花于奴兒干孛羅兀魯思不花于海島並坐與鐵失逆謀。時旭邁傑等言南坡之變諸王買奴逃匿潛邸願効死力且請誅戮元凶上契宸衷嘗蒙獎諭今臣等

倒次沙等以
討逆進官

議宗戚之中能自拔逆黨盡忠朝廷者惟有買奴請加封賞以示激勸遂以泰寧縣三千戶封買奴為泰寧王。議討逆功以倒刺沙為左丞相紐澤鎖禿並加光祿大夫賜旭邁傑等金有差。詔改明年元為泰定。

張溥曰英宗在位三年剛明圖治惟觀音保等之死一事失德其他書史冊者若免民租罷金銀冶減海運糧行助役法卹孔氏子孫詔上書言事者得專達皆善政也南坡駐蹕鐵失行逆

年○僅○二○十○一○而○遇○弒○天○下○哀○之○然○推○尋○禍○本○不
能○不○咎○太○皇○太○后○也○太○后○順○宗○正○妃○體○誕○二○聖○
成○宗○之○世○出○居○懷○州○武○宗○卽○位○始○上○尊○號○建○興
聖○宮○更○歷○仁○英○冊○寶○益○隆○二○子○一○孫○皆○爲○天○子○
而○太○后○優○游○三○朝○御○殿○受○賀○太○陰○沙○麓○異○世○協
慶○豈○非○后○妃○之○極○遇○哉○乃○東○朝○旣○正○淫○恣○無○忌
內○則○黑○驢○母○亦○烈○失○八○用○事○外○則○幸○臣○失○以○門
紐○隣○及○時○宰○鐵○木○迭○兒○相○率○爲○奸○三○主○當○陽○而
母○后○不○制○敝○笥○在○梁○言○之○醜○矣○鐵○木○迭○兒○於○武

宗○之○世○擅○離○雲○南○竟○赴○京○師○尚○書○省○奏○行○詰○問
太○后○庇○之○遽○令○還○職○仁○宗○御○極○與○完○澤○李○孟○更
張○庶○務○罷○迭○兒○勿○用○未○幾○旋○進○右○相○張○瑋○直○言
太○后○杖○責○逐○出○國○門○延○祐○四○年○蕭○拜○住○楊○朶○兒
只○糾○正○其○罪○迭○兒○懼○匿○后○宮○帝○重○違○太○后○意○僅
罷○相○位○逾○二○年○復○拜○太○子○太○師○明○年○帝○崩○再○正
相○位○首○殺○蕭○楊○英○宗○稟○王○母○之○命○心○雖○弗○善○不
敢○不○任○也○後○漸○疎○遠○快○快○而○死○太○后○亦○崩○始○削
奪○官○爵○窮○竟○黨○與○鐵○木○等○爲○彼○腹○心○內○不○自○安○

遂○手○弑○帝○雖○置○賊○肘○腋○驅○除○不○早○帝○計○誠○失○顧○
 羣○奸○無○上○內○外○盤○固○繇○來○者○漸○不○可○謂○非○太○后○
 釀○成○也○仁○宗○崩○時○太○后○屬○意○明○宗○羣○臣○不○聽○擁○
 立○英○宗○太○后○來○賀○帝○色○不○悅○卽○退○悔○曰○我○不○擬○
 養○此○兒○飲○恨○成○疾○彼○之○忌○帝○奸○黨○必○與○聞○之○矣○
 唐○武○后○死○而○三○思○尚○存○則○其○黨○弑○中○宗○弘○吉○刺○
 太○后○與○鐵○木○迭○兒○死○而○鐵○失○尚○存○則○其○黨○弑○英○
 宗○除○惡○不○盡○害○同○養○虎○自○古○而○然○但○中○宗○庸○奴○
 目○斃○英○宗○強○陽○致○疾○賢○不○肖○相○去○則○遠○耳○

終卷

元史紀事本末卷之二十二

明 高安陳邦瞻原編

吳興臧懋循纂輯

太倉張溥論正

三帝之立 明宗順帝 文宗

仁○宗○延○祐○二○年○十○二○月○立○武○宗○子○和○世○琿○爲○周○王○出○
 鎮○雲○南○初○武○宗○旣○立○帝○爲○太○子○後○丞○相○三○寶○奴○復○勸○
 立○和○世○琿○召○康○里○脫○脫○言○之○脫○脫○曰○大○弟○定○宗○社○
 東○宮○已○久○兄○弟○叔○侄○世○世○相○承○孰○敢○紊○其○序○乎○三○寶○

三寶奴勸立和世琿康里脫脫爭之

鐵木迭兒請立皇子碩德八刺又諧和世球出鎮雲南

奴曰今日兄已授弟異日能保叔授其侄乎脫脫曰在我不可渝彼失其信天實鑒之至是議立太子鐵木迭兒欲固位取寵乃請立皇子碩德八刺又與太后幸臣失烈門諧和世球於兩宮遂封為周王遣出鎮雲南

三年三月置周王嘗侍府官屬以秃忽魯幹耳朶尚家奴孛羅教化等為之十一月周王和世球次延安其臣秃忽魯尚家奴及武宗舊臣釐目沙不丁哈八兒秃等皆來會教化謀曰天下者我武宗之天下

教化與阿思罕懷憤發兵塔察兒脫歡襲殺之和世球遂北行

也王之出鎮本非上意由左右讒構致然請以其故自行省俾聞之朝廷庶可杜塞離間不然事變叵測遂與數騎馳去先是阿思罕為太師鐵木迭兒奪其位出之為陝西行省丞相及教化等至即與平章政事塔察兒行臺御史大夫脫里伯中丞脫歡悉發關中兵分道自河中府入已而塔察兒脫歡襲殺阿思罕教化于河中和世球遂西行至北邊金山西北諸王察阿台等聞和世球至咸率眾來附和世球至其部與定約束每歲冬居札顏夏居幹羅幹察山春則

元史紀事本末 卷二十三
命從者耕于野泥十餘年間邊境寧謐

遷圖帖睦爾
于瓊州

英宗至治元年五月遷武宗第二子圖帖睦爾于瓊州時右丞相鐵木迭兒懷私固寵構釁骨肉諸王大臣莫不自危中政使咬住告脫歡察兒等交通親王於是徙圖帖睦爾居海南因禁日者毋交通諸王駙馬掌陰陽五科者毋泄占候

泰定帝泰定元年正月召圖帖睦爾于瓊州 十月封圖帖睦爾爲懷王居建康

致和九年九月文宗天曆元年三月徙懷王圖帖睦爾于江陵 七月帝崩于上都年三十六葬起鰲谷稱爲泰定帝

王禕曰武宗以兄弟相及約繼世子孫迭居大位而仁宗惑于儉言不守宿諾傳位英宗仍使武宗二子明宗文宗出居於外及英宗遇弒而明宗在北文宗在南晉邸乘間入繼大統或謂晉邸非所宜立雖然晉王於世祖孫也於次爲長雖守藩服嘗有盟書今而國統之弗繼則求所當立者舍晉王之系將誰屬耶然則謂晉邸非所宜立者亦過

也。舊傳英宗之弒，晉邸與聞乎？故其歿，不舉請謚，升祔之典，明其爲賊也。然考之實錄，皆不得其實。傳聞之謬，烏可信哉！

初，帝內晉邸立，而和世琜兄弟以武宗子播越南北，人心念之。僉樞密院事燕帖木兒，自以身受武宗寵拔之恩，謀欲立其二子。乘帝有疾，與諸王滿禿等陰圖其事。至是帝崩，皇后皇太子遣使詣大都，命平章政事烏伯都剌收掌百司印章，及諭安百姓。八月甲午，百官集興聖宮，燕帖木兒率阿剌鐵木兒、孛倫

泰定帝崩燕帖木兒謀立武宗二子囚烏伯都剌等逆圖帖睦爾于江陵

赤等十七人，兵皆露刃，號於衆曰：武宗皇帝有子二人，天下正統當歸之。敢有不順者死。遂手縛平章烏伯都剌、伯顏察兒，分命勇士執中書左丞朶朶參政、王士熙、參議脫脫、吳秉道、侍御史鐵木哥、丘世傑、太子詹事丞王桓等，皆下獄。燕帖木兒與西安王阿剌忒納失里共守內庭，推前湖廣行省左丞相別不花爲中書左丞相，詹事塔失海牙爲中書平章，速速爲左丞。王不憐吉台爲樞密副使，與中書右丞趙世延等分典庶務，調兵守禦關隘，徵諸衛兵屯京師，下郡

剛帖睦爾發
江陵

縣造兵器出府庫犒軍士燕帖木兒直宿禁中達旦不寐一夕再徙人莫知其處是時周王和世球遠在沙漠猝未能至慮生他變乃遣前河南叅政明里董阿迎懷王圖帖睦爾于江陵密以意諭河南行省平章伯顏令簡兵以備扈從且令塔失帖木兒矯爲南使言懷王已次近郊使民無驚疑 己亥明里董阿至汴梁與伯顏合謀執行省臣皆下之獄 癸卯伯顏殺平章曲烈及右丞別鐵木兒是日明里董阿等至江陵甲辰懷王發江陵遣使召鎮南威順高昌諸

王來會執湖廣行省左丞馬合謀送京師以別薛代之河南行省出府庫金銀鈔錠分給官吏將士又命有司造乘輿供帳儀仗等物平章伯顏勒兵以俟叅政脫孛臺獨曰今蒙古軍與宿衛之士俱在上都而令探馬赤軍守諸隘吾恐此事之不可成也是夜脫孛臺將手刃殺伯顏伯顏覺遂拔劔殺脫孛臺而奪其所部軍器馬疋 丁未燕帖木兒遣其弟撒敦守居庸關唐其勢屯古北口戊申燕帖木兒又令乃馬台矯爲使者北來言周王亦整兵南行聞者皆悅懷

元史紀事本末 卷三十三 五
王命伯顏爲河南行省左丞相遣孛羅等將兵守潼關。巴西丞相倒次沙殺諸王滿禿於上都。滿禿時與阿馬刺台宗正札魯忽赤濶濶出平章買闡集賢學士兀魯思不花太嘗禮儀院使哈海赤等十八人同附燕帖木兒事覺被殺。庚戌懷王至汴梁伯顏等扈從北行以前翰林學士阿不海牙爲河南行省平章事。辛亥以燕帖木兒知樞密院事。壬子脫脫木兒帥其軍自上都來歸卽命守古北口。癸丑上都諸王以兵分道攻大都。乙卯脫脫木爾及上都

圖帖睦爾入京師

諸王失剌平章乃馬台詹事欽察戰于宜興斬欽察于陣禽乃馬台送京師戮之失剌敗走。丁巳懷王入京師居大內。以明里董阿濶濶台速速並爲平章政事。曹立爲右丞。伯顏爲御史大夫。趙世延爲御史中丞。高昌王鐵木兒補化知樞密院事。己未上都梁王王禪右丞相塔失鐵木兒太尉不花平章政事買闡御史大夫紐澤等兵次榆林隆鎮衛指揮黑漢謀附上都坐棄市。是月倒刺沙立泰定帝子阿速吉八爲帝于上都。年九歲改元天順。九月庚申

倒刺沙立泰定帝子于上都

燕帖木兒敗
上都兵

朔燕帖木兒督師居庸關遣撒都以兵襲上都兵于
榆林擊敗之迫至懷來而還隆鎮衛指揮幹都蠻以
兵襲上都諸王滅里帖木兒脫木赤于陀羅臺執之
歸于京師 壬戌懷王遣使祭五嶽四瀆命速速宣
諭中外曰昔在世祖以及列聖臨御咸命中書省綱
維百司總裁庶政凡錢穀銓選刑罰興造罔不司之
自今除樞密院御史臺其餘諸司及左右近侍敢有
隔越中書奏語者以違制論監察御史其糾言之
賜上都將士來歸者鈔各有差 召燕帖木兒赴闕

燕帖木兒請
圖帖睦爾即
位

上都諸王也先帖木兒等自遼東以兵入遷民鎮
丁卯燕帖木兒率諸王大臣請懷王早正大位以
安天下王以兄周王和世球在漠北欲虛位俟之燕
帖木兒曰人心向背之機間不容髮一或失之噬臍
無及王曰必不得已當明吾志播告天下 己巳上
都諸王忽剌台等引兵入崞州 遣撒敦拒遼東兵
于薊州東流沙河阿兀刺守居庸關 以也速台兒
知行樞密院事將兵行視大行諸關西擊河中潼關
軍 辛未殺兀伯都剌流朶朶王士熙伯顏察兒脫

殺兀伯都剌

圖帖睦爾即
位于大都

歡等于遠州並籍其家。壬申懷王即皇帝位于大
都。詔曰：洪惟我太祖皇帝混一海宇，爰立定制，以一
統緒，宗親各受分地，勿敢妄生覬覦。此不易之成規，
萬世所共守者也。世祖之後，成宗、武宗、仁宗、英宗以
公天下之心，以次相傳。宗王貴戚咸遵祖訓。至於晉
邸，具有盟書，願守藩服，而與賊臣鐵失也先鐵木兒
等潛通陰謀，冒干寶位，使英宗不幸罹于大故。朕兄
弟播越南北，備歷艱險，臨御之事，豈獲與聞。朕以叔
父之故，順承惟謹。于今六年，災異迭見，權臣倒次沙

兀伯都剌等專權自用，疎遠勳舊，廢棄忠良，變亂祖
宗法度，空府庫以私其黨類，大行上賓，利於立幼，顯
操國柄，用成其姦。宗王大臣以宗社之重，統緒之正，
協謀推戴，屬于眇躬。朕以菲德，宜俟大兄，固讓再三，
百僚耆老以爲神器不可以久虛，天下不可以無主。
周王遼隔朔漠，民庶遑遑，已及三月，誠懇迫切。朕姑
從其請，謹俟大兄之至，以遂朕固讓之心。已於致和
元年九月十三日即皇帝位于大明殿。其以致和元
年爲天曆元年。可大赦天下。於戲，朕豈有意於天下

哉重念祖宗開創之艱恐墮大業是以勉徇輿情尚
賴爾中外文武臣僚協心相與輯寧億兆以成治功
谷爾多方體予至意 癸酉封燕帖木兒爲太平王
乙亥上都王禪兵襲破居庸關將士皆潰燕帖木
兒軍次三河 丙子王禪游兵至大口燕帖木兒還
軍次榆河帝出齊化門視師 丁丑燕帖木兒來見
曰乘輿一出民心必驚軍旅之事臣請以身任之帝
卽日還宮 戊寅燕帖木兒與王禪前軍戰于榆河
敗之追奔紅橋北其樞密副使阿敕帖木兒指揮使

燕帖木兒大
敗上都軍王
禪等遁

忽都帖木兒復以兵會王禪來戰又敗之 辛巳燕
帖木兒與上都軍大戰于白浮之野敗之明日大霧
王禪等遁崑山收集散亡復來戰燕帖木兒列陣白
浮西敵不敢犯至夜撒敦脫脫木兒前後夾攻敗走
之追及于昌平北斬首數千級降者萬餘人帝遣使
諭燕帖木兒曰丞相每臨陣躬冒矢石脫有不虞奈
何自今第以大將旗鼓督戰可也燕帖木兒對曰凡
戰臣必以身先之敢後者論以軍法若委之諸將萬
一失利悔將何及 乙酉上都兵入古北口將士皆

潰其知樞密院竹温台以兵掠石槽燕帖木兒先遣
撒敦倍道趣石槽掩其不備擊之自將大軍繼其後
轉戰四十餘里至牛頭山擒駙馬孛羅帖木兒政事
蒙古塔失帖木兒等殺之飛投降者萬人餘軍奔竄
夜遣撒敦出古北口逐之脫脫木兒與遼東兵戰薊
州南殺獲無算 丁亥遼東軍抵京城燕帖木兒引
兵拒之令京城召募壯丁乘城拒守 戊子上都諸
王忽刺台等兵入紫荆關將士皆潰陝西行臺御史
大夫也先帖木兒兵從大慶關渡河擒河中府官殺

燕帖木兒敗
遼東軍

之萬戶徹里帖木兒軍潰而遁河東官吏皆棄城走
十月己丑燕帖木兒引兵至通州擊遼東軍敗之
遣脫脫木將兵四千西援紫荆關 癸已上都諸王
忽刺台游兵進逼南城燕帖木兒及湯翟王太平國
王朶羅台等戰于檀子山之棗林殺太平死者蔽野
餘皆宵遁 乙未燕帖木兒等帥軍循北山而西趣
良鄉時諸將與忽刺台阿刺帖木兒等戰于盧溝橋
聲言燕帖木兒大軍至敵兵皆遁 丙申中書省臣
言上都諸王大臣不思祖宗成憲惑於倒次沙之言

中書省臣請
傳字羅帖木
兒等首于四
方

月魯帖木兒
等圍上都倒
次沙等出降
阿刺吉八不
知所終

輒以兵犯京畿，賴陛下神武，王禪遂致潰亡，生擒諸王、孛羅帖木兒及諸用事臣，蒙古塔失等既已明正典刑，宜傳首四方，以示衆從之。戊戌，諸將追阿刺帖木兒等至紫荊關，獲之，送京師，皆棄市。己亥，禿滿迭兒軍復入古北口，燕帖木兒引兵禦之，大戰于檀州南，敗之。禿滿迭兒走還遼東。辛丑，齊王月魯帖木兒、蒙古元帥不花等以兵圍上都，倒刺沙等奉皇帝璽出降。梁王王禪遁，遼王脫脫爲齊王，月魯帖木兒所殺，遂收上都諸王符印。阿刺吉八不知所終。

丘濬曰：泰定帝乃裕宗之嫡孫，甘麻刺之長子，於屬爲宗子，非不當立也。英宗爲鐵失所弑，諸王迎立之初，不與其謀。武宗二子，次雖當立，然既爲英宗所據，則非其有矣。泰定初立之年，卽立阿刺吉八爲太子。至是五年，名分已定。圖帖木兒遣兵攻之，以致于死地，史不明言其所以致死之繇，然所以致之死地者，圖帖睦爾也。律以春秋趙盾之法，非弑而何。

丁未，陝西兵至鞏昌縣黑石渡，遂據虎牢，復入武關。

唐成帝御興聖殿諸王大臣奉上皇帝寶分遣使者
 檄行省內郡罷兵 甲寅元帥也速答兒執湘寧王
 八刺失里送京師初八刺失里及趙王馬札罕諸王
 忽刺台承上都之命各起所部兵南侵冀寧還次馬
 邑至是被執 十一月辛酉也先捏兵至武安也先
 鐵木兒以軍降 甲子陝西兵進逼汴梁聞朝廷傳
 檄罷兵乃解去 甲戌遷泰定后雍吉刺氏于安東
 州 唐辰遣使奉迎周王和世球于漠北 癸未倒
 刺沙王禪馬某沙紐澤撒的迷失也先鐵木兒等俱

遷泰定后于
 安東州
 遣使迎和世
 球于漠北
 殺倒次沙等

棄市 十二月甲寅復遣治書侍御史撒廸等迎周
 王時諸王皆勸周王南遷京師周王遂發北邊諸王
 察阿台元帥朶剌捏等咸率師扈行舊臣孛羅尚家
 奴哈八兒禿皆從至金山嶺北命孛羅如京師

二年正月庚申遣前翰林學士承旨不答失里北還
 周王行在所仍命太府太監沙班刺奉金帛以往
 乙丑復遣中書左丞躍里帖木兒迎周王 壬午周
 王遣孛羅至京師 乙酉撒廸等見周王於行幄勸
 進 丙戌周王即皇帝位于和寧之北遣撒廸還京

和世球即帝
 位于和寧之
 北

師命之曰朕弟曩嘗觀書史。邇者得無廢乎。聽政之暇。宜親賢士大夫。講論史籍。以知古今治亂得失。卿等至京師。當以朕意諭之。舊臣及兩宮之人。聞北使至。皆歡呼曰。吾天子真自北來矣。爭先迎謁。所至成聚。二月辛卯。立妃弘吉刺氏為皇后。辛亥帝勅周王母亦乞烈氏母唐兀氏並為皇后。羣臣曰。撒廸還言大兄已即皇帝位。凡二月二十一日以前除官者。速與制勅。後凡銓選。其詣大兄行在。以聞。三月辛酉。帝遣燕帖木兒奉皇帝寶于行在。

圖帖睦爾遣燕帖木兒奉

帝璽于和世

所。四月癸巳。燕帖木兒見于行在。行在嘉其功。拜為太師。復諭之曰。凡京師百官。朕弟所用者。並仍舊。其諭以朕意。燕帖木兒因奏陛下君臨萬方。國家大事所繫者。中書省臣樞密院御史臺而已。宜擇人居之。遂以武宗舊人哈八兒禿為中書平章政事。伯帖木兒知樞密院事。孛羅為御史大夫。甲午。立行樞密院。命昭武王知院事。火沙賽帖木兒買奴同知院事。是日宴諸王大臣于行殿。因諭臺臣曰。太祖有訓。美色名馬。人皆悅之。然方寸一有係累。即能壞名。

敗德、卿等居風紀之司，亦嘗念及此乎？世祖初立御
史臺，首命塔察兒、奔帖傑兒二人協司其政。天下國
家譬如一人之身。中書則右手也。樞密則左手也。左
右手有疾，治之以良醫。省院闕失，不以御史臺治之
可乎？凡諸王百司違法越禮，一切舉劾。風紀重則貪
墨懼，猶斧斤重則入木深。其勢然也。朕有闕失，卿等
亦宜以聞，朕不爾責。癸卯行在，遣使立帝為皇太
子。己未，皇太子遣翰林學士承旨阿璘帖木兒覲
于行在。乙亥，行在勅大都省臣鑄皇太子寶。時求

和世疎立圖
帖睦爾為太
子

故太子寶，不知所在，乃命更鑄之。丁丑，皇太子發
京師北迎行在。六月丁亥，行在次坤都，也不速遣
近侍別不花至京師。庚戌，皇太子次于上都之六
十店。辛亥，行在次哈兒哈納禿，詔諭中書省臣：凡國
家錢穀銓選諸大政事，先啓皇太子，然後以聞。八
月乙酉，行在次于王忽察都。丙戌，皇太子入見。是日
行在宴皇太子及諸王大臣于行殿。庚寅，帝暴崩。
于行在。皇太子入臨，哭盡哀。燕帖木兒以行在皇后
之命，奉皇帝寶授于皇太子。

行在次于王
忽察都太子
入見帝暴崩
廟號明宗

胡粹中曰聞之故老言燕帖木兒奉上璽綬明宗從官有不爲之禮者燕帖木兒且怒且懼既而帝暴崩燕帖木兒聞哭聲卽奔入帳中取寶璽扶文宗上馬南馳本史乃言皇太子入哭盡哀燕帖木兒以皇后命奉皇帝寶授于太子其說不合豈當時忌諱有不敢明言者歟

太子復卽位于上都

癸巳皇太子至上都巳亥皇太子復卽位于上都大赦天下以伯顏爲左丞相欽察台阿兒思蘭海牙趙世延並爲平章政事采兒爲右丞阿榮趙世安並參

知政事塔失鐵木兒知樞密院鐵木兒補化鐵木兒脫並御史大夫 九月丁巳帝還大都 十月丙申

上太行皇帝尊謚廟號明宗

至順元年三月封皇子阿刺忒納答刺爲燕王 四

月皇后弘吉刺氏殺明宗皇后八不沙 五月廢明

宗子妥懽帖睦爾時帝將立其子阿刺忒納答刺爲

皇太子乃以妥懽帖睦爾乳母夫言明宗在日素謂

太子非其子黜之江南驛召翰林學士阿隣帖木兒

奎文閣大學士忽都魯篤彌實書其事于脫卜赤顏

皇后殺明宗

宗子妥懽帖睦爾立 燕王爲太子 旋卒

又召虞集使書詔播告中外 十二月立燕王阿剌忒納答剌爲皇太子

二年正月皇太子阿剌忒納答剌卒 八月詔太子古剌答納出居燕帖木兒家 十一月詔養燕帖木兒之子塔剌海爲子

三年八月帝崩于上都廟號文宗 十月庚子鄜王懿璘質班卽皇帝位王明宗第二子也帝始崩時燕帖木兒請立燕帖古思后不從命立鄜王時年甫七歲百司庶務咸啓皇后取進止 十一月

支宗崩寧宗 懿璘質班立 旋薨燕帖木 兒請立燕帖 古思后不從 迎立妥懽帖 爾

戊寅尊皇后爲皇太后 壬辰鄜王薨廟號寧宗

皇太后遣右丞濶里吉思迎妥懽帖睦爾于靜江初妥懽帖睦爾旣廢徙高麗使居大青島後又徙靜江至是鄜王薨燕帖木兒復請立燕帖古思皇太后曰吾子尚幼妥懽帖睦爾在廣西今年十三矣且明宗長子於理當立乃遣濶里吉思往迎之

三年六月順帝元統元年三月燕帖木兒死燕帖木兒自秉權以來肆行無忌一宴或宰十三馬取泰定后爲夫人前後尚宗室女四十人有交禮三日遽遣

帖木兒取 後以淫死

歸者後房充斥不能盡識一日宴趙世延宅男女列坐見坐隅一婦甚麗意欲與俱歸顧左右曰此為誰對曰太師家人也自後荒淫日甚體羸溺血而死

妥懽帖木爾
即帝位于上
都立伯牙吾
氏為后

六月己巳妥懽帖睦爾即皇帝位于上都初帝自廣西迎至百官具鹵簿迎于良鄉燕帖木兒既見並馬徐行具陳迎立之意帝畏之一無所答燕帖木兒疑其意不可測故至京久不得立適太史亦言其立則天下亂用是議未能決遷延者數月至是燕帖木兒死皇太后乃與大臣定議立之且約後當傳與燕帖

馬祖堂諷盧
集謝病歸

古思若武宗仁宗故事 九月立燕帖木兒女伯牙吾氏為皇后 八月奎章閣侍書學士虞集謝病歸帝之將立也召諸老臣赴上都議集亦預焉中丞馬祖嘗使人告集曰御史有言矣蓋以文帝嘗命集書詔言帝非明宗子故祖嘗以此諷集使去集乃謝病歸集既去侍臣有以舊詔言者帝不懌曰此我家事豈由彼書生耶不問

後至元元年六月左丞相唐其勢伏誅遂殺皇后伯牙吾氏唐其勢燕帖木兒子也時右丞相伯顏獨秉

唐其勢謀亂
伯顏殺之併
紙皇后

政唐其勢忿曰天下本我家天下伯顏何人而位吾
上遂與其叔父句容郡王答隣答里潛蓄異心謀立
諸王寃火帖木兒帝數召答隣答里不至郊王撒撒
禿發其謀唐其勢伏兵東郊率勇士突入宮伯顏及
完者帖木兒等掩捕獲之併殺其弟荅刺海時荅刺
海走匿皇后座下后蔽以衣左右曳出斬之血濺后
衣伯顏使人併執后后呼帝曰陛下救我帝曰汝兄
弟爲逆豈能相救乃遷后出宮伯顏殺之于開平民
舍寃火帖木兒亦自殺詔曰曩者文宗皇帝以燕

帖木兒嘗有勞伐父子兄弟顯列朝廷而輒造事釁
出朕遠方文皇尋悟其妄有旨傳次于朕燕帖木兒
貪利幼弱復立朕弟懿璘質班不幸崩殂今丞相伯
顏追奉遺詔迎朕于南旣至大都燕帖木兒猶懷兩
端遷延數月天殞厥躬伯顏等同辭翊戴乃正宸極
後撒敦荅里唐其勢等相襲用事交通宗王寃火帖
木兒圖危社稷阿察赤亦嘗與謀賴伯顏等以次掩
捕明正其罪元兇構難貽我太皇后震驚朕用兢惕
永惟皇太后後其所生之子一以至公爲心親挈大

寶俾子兄弟迹其定策兩朝功德隆盛近古罕比雖嘗奉上尊號揆之朕心猶為未盡已命大臣特議加禮伯頌為武宗捍禦北邊翊戴文皇茲又克清大憝明勅國憲爰賜答刺罕之號至於子孫世世永賴可大赦天下 八月尊皇太后為太皇太后

廢文宗廟主
遷太皇太后
于東安州放
燕帖古思于
高麗

六年六月詔廢文宗廟主遷太皇太后弘吉刺氏于東安州安置放燕吉古思于高麗詔曰昔武帝升遐太后惑于儉慝俾皇考出封雲南英宗遇害我皇考以武宗之嫡遠居沙漠親王大臣同心翊戴于時以

地近先迎文宗暫總機務繼知天理人倫所在假讓位之名以寶璽來上皇考推誠不疑即立為皇太子文宗當躬迓之際乃與其臣月魯不花也里牙明里董阿等謀為不軌使我皇考飲恨上賓歸而再御宸極又私圖傳子乃構邪言嫁禍于八不沙皇后謂朕非明宗之子遂俾出居遐陬內懷愧嫌則殺也牙里以杜口上天不祐遂降殞罰叔嬪不答失里怙其勢焰不立明考之冢嗣而立幼稚之弟懿璘質班奄復不年諸王大臣以賢以長扶朕踐祚賴天之靈權奸

崔敬請迎歸
太后母子不
報尋遇害

屏黜永惟鞠育罔極之恩忍忘不共戴天之義其命
太嘗撤去圖帖睦爾在廟之主不容失里削去太皇
太后之號徙東安州安置燕帖古思放諸高麗當時
賊臣月魯不花也里牙已死其以明里董阿等明正
典刑時監察御史崔敬言文皇獲不軌之愆已撤廟
祀叔母有階禍之罪亦削鴻名盡孝正名斯亦足矣
惟念皇弟燕帖古思年方在幼罹此播遷天理人情
有所不忍方明皇上賓皇弟方在襁褓未有知識義
當矜憫伏望陛下迎歸太后母子以盡骨肉之義不

報未幾太后殂于東安州燕帖古思遇害于中道

張溥曰泰定帝即位之元年即立子阿速吉入
為皇太子四年帝崩于上都太子繼立正也燕
帖木兒懷武宗舊恩妄生異謀迎立其二子文
宗圖帖睦爾自江陵先發竟入京師治兵相攻
忠義屠戮遂襲尊位陷上都太子不知所終乃
走使漠北奉迎勸進明宗和世琜至和寧之北
竟即帝位立文宗為太子次旺察忽都文宗入
見明宗暴崩本帝始願豈不謂吾弟孝友先驅

奉○璽○猶○之○懷○寧○入○而○仁○宗○避○無○庸○南○向○讓○三○北○
 向○讓○再○竟○不○知○其○愚○而○蹈○死○也○然○為○文○宗○者○則○
 甚○矣○國○有○君○而○逐○之○兄○既○立○而○弑○之○亂○賊○之○事○
 一○已○不○堪○其○可○再○乎○燕○帖○木○兒○外○託○哈○刺○李○孟○
 之○名○而○內○行○迭○兒○鐵○失○之○詐○始○讎○泰○定○而○迎○二○
 王○繼○助○文○宗○以○戕○明○宗○弑○立○大○故○反○覆○奕○碁○直○
 卓○操○耳○何○平○勃○為○至○順○元○年○春○立○明○宗○子○懿○璘○
 質○班○為○鄜○王○冬○立○燕○王○阿○刺○忒○納○答○刺○為○太○子○
 二○年○春○正○月○太○子○即○薨○詔○皇○子○出○居○燕○帖○木○兒○

家○道○人○寄○養○漢○后○貽○譏○胡○人○不○學○寧○知○殷○鑒○及○
 帝○不○豫○后○立○鄜○王○鄜○王○遽○薨○又○立○妥○懽○帖○睦○爾○
 揆○以○嘗○情○明○宗○帝○兄○其○子○猶○帝○子○也○文○宗○既○弑○
 明○宗○其○子○即○帝○讎○也○殺○其○父○立○其○讎○文○后○獨○不○
 為○身○計○乎○或○者○庚○寅○之○變○倉○卒○事○秘○后○實○不○聞○
 帝○與○國○人○亦○交○隱○焉○久○而○莫○問○也○燕○帖○木○兒○不○
 悅○順○帝○遷○延○數○月○身○死○而○後○帝○得○即○位○內○外○保○
 護○莫○非○太○后○之○力○至○元○六○年○驟○行○遷○殺○遂○至○上○
 廢○廟○主○下○戮○皇○弟○反○噬○不○仁○喋○血○門○內○太○后○當○

此亦將悔不從燕太師言蚤立巳子乎然積憾
 不珍則皆仁宗為備也仁宗受命武宗約萬歲
 之後傳位其子忽納鐵木迭兒等邪說立明宗
 為周王出鎮雲南致逃漠北易世無幾大難數
 作英宗弒而泰定乘虛泰定崩而明文爭立文
 宗崩而順帝報復自至治之末迄至元之初震
 器天椽骨肉誅夷禍無虛載天人並怨孰非延
 祐一君所貽哉且武仁授受天顯無間後人莫
 能繼述武宗殺成后文后即效之而殺明后仁
 宗背武宗文宗即效之而弒明宗凡人從善難
 而從惡易作法者尤不可不慎也

元史紀事本末卷之二十一 終

元史紀事本末卷之二十三

明 高安陳邦瞻原編

吳興臧懋循纂輯

太倉張溥論正

脫脫之貶

哈麻附

順帝至元六年二月黜中書大丞相伯顏為河南行省左丞相伯顏既誅唐其勢獨秉國鈞遂專權自恣變亂成憲虐害天下漸有異謀帝患之伯顏欲以所養弟之子脫脫宿衛偵帝起居懼涉物議乃以知樞

脫脫欲圖伯
顏吳直方勸
決之帝遂與
定謀驅逐

密院汪家奴翰林學士承旨沙刺班同侍禁近實屬
意脫脫脫脫政令日修衛士拱聽約束伯顏自領諸
衛精兵以燕者不花爲屏蔽導從之盛填溢街衢而
帝儀衛反落落如晨星勢焰熏灼天下之人知有伯
顏而已脫脫深憂之私請於父馬札兒台曰伯父驕
縱已甚萬一天子震怒則吾族赤矣曷若於未敗圖
之其父亦以爲然脫脫復質於師吳直方直方曰大
義滅親大夫但知忠於國耳餘復何顧焉一日見帝
乘間自陳忘家徇國之意帝猶未之信時帝前後左

右皆伯顏之黨獨世傑班阿魯爲帝腹心乃遣二人
與脫脫遊日以忠義之言相與往復論辯益悉其心
靡他遂聞于帝帝始信之無疑及伯顏構陷鄒王徹
徹篤奏賜死帝未允輒殺之又擅貶宣讓威順二王
帝不勝其忿決意逐之一日泣語脫脫脫脫亦泣下
歸復與直方謀直方曰此大事議論之際左右爲誰
曰阿魯及脫脫木兒直方曰子之伯父挾震主之威
此輩苟利富貴其語一洩則主危身戮矣脫脫乃延
二人于家置酒張樂晝夜不令出遂與世傑班等謀

欲候伯顏入朝擒之。戒衛士嚴宮門出入。螭坳皆爲置兵。伯顏見之大驚。召脫脫責之。對曰：天子所居防禦，不得不爾。然遂疑脫脫亦增兵自衛。至是伯顏以所領衛兵請帝出田。脫脫勸帝稱疾不往。伯顏固請，乃命太子燕帖古思出次柳林。脫脫遂與阿魯等合謀，悉拘京城門鑰，命所親信列布城門下。是夜奉帝居玉德殿，召省院大臣先後入見，出五門聽命。夜二鼓，遣怯薛月可察兒率三十騎抵營中，取太子入城。又召楊瑀、范匯入草詔，數伯顏罪狀，出爲河南行省。

左丞相命平章事，只見瓦反，賁赴柳林。黎明，伯顏遣騎士至城下問故。脫脫倨城上，宣言有旨，黜丞相一人。諸從官皆無罪，可各還本衛。伯顏奏乞陞辭，不許。道出真定，父老奉觴酒以進。伯顏曰：爾曾見有子殺父事乎？對曰：不曾見子殺父，惟聞有臣弑君。伯顏俛首有慙色。十以馬札兒台爲太師、右丞相，脫脫知樞密院。詔脫脫之外，諸侯王不得懸帶弓箭及環刀，輒入內府。十月，馬札兒台辭右丞相，仍爲太師。以脫脫爲中書右丞相，脫脫旣秉政，悉更伯顏所行。復

脫脫悉更伯顏所行中外稱賢相

脫脫薦阿魯圖為相

兒台為見怯不花與俱行脫脫請

脫脫復相聽汝中栢譖欲害太平其母力止之

科舉取士行太廟四時祭。雪剌王之寃。召還宣讓威順二王。禁減鹽額。蠲負逋。開經筵。中外翕然稱賢相焉。

至正三年十二月以別兒怯不花為左丞相。

四年五月脫脫罷。以阿魯圖為中書右丞相。脫脫固辭相位。帝問誰可代者。以阿魯圖對。遂召用之。封脫脫為鄭王。

七年六月詔免太師馬札兒台官。安置于西寧。時阿魯圖罷。別兒怯不花為右丞相。以宿憾譖馬札兒台。

故有是詔。脫脫力請與父俱行。時相欲傾之。因有告變者。復移于西域撒思之地。御史大夫亦憐真班曰。脫脫父子無大過。奈何迫之于險。遂召還。其肅馬札兒台尋卒。

九年七月復以脫脫為中書右丞相。初馬札兒台卒。左丞相太平請令脫脫歸葬。左右以為難。太平為之固請。脫脫得還。及拜太傅。脫脫不知太平之有德于已也。因汝中栢譖間成隙。欲中傷之。是時中書叅政孔思立等皆一時名人。太平所拔用者。悉誣以罪黜。

去太平既罷，又誣劾之。脫脫母聞之，謂脫脫兄弟曰：「太平好人，何害於汝？而欲去之？汝兄弟若違吾言，非吾子也。」遂止。太平故吏田復勸之自裁，太平曰：「吾無罪，當聽于天。若自殺，則誠有歉矣。」遂還奉元，杜門不出。

十二年八月，脫脫自請出師伐徐州賊李二，詔許之。兵部尚書密邇麻和謨等言：「大臣天子之股肱，中書庶政之根本，不可一日離。」乞留脫脫以弼亮天工。庶內外有兼治之宜，不報。遂詔脫脫以荅刺罕太傅右

脫脫破李二于徐州

丞相分省於外，總制諸路軍馬。凡爵賞誅殺，悉聽便。宜從事。脫脫尋破賊于徐州，即軍中加拜太師，趣還朝。先是，脫脫弟也先帖木兒出師討劉福通，駐沙河，軍夜潰。西臺御史范文劉希僧等劾其喪師辱國，脫脫庇之，詔不問。中臺御史周伯琦阿附脫脫，劾文等越分干譽，乃左遷。西臺御史大夫朶兒直班為湖廣平章，而盡出文等，由是人不敢言事。汝中栢等復言于脫脫曰：「不殺朶兒直班，丞相終不安。」乃命給軍餉，總兵者希指，數侵辱之，不為動。脫脫復遣助教完

汝中栢等勸脫脫殺朶兒直班

者至軍中諷使害之完者至謂人曰平章國家耆勲舊德吾苟害之人將不食吾餘矣朶兒直班竟卒于黃州。

十三年正月以哈麻爲中書平章政事先是脫脫西行也別兒怯不花爲相以宿怨每欲中傷之賴哈麻在上前營護得免別兒怯不花又與太平韓嘉納禿滿迭兒等十人結爲兄弟及脫脫復相謫太平陝西出別兒怯不花般陽禿滿迭兒四川右丞誣以罪追至途殺之而深德哈麻復召用至是拜平章

脫脫薦用哈麻

汝中栢構哈麻脫脫有隙哈麻遂嗾袁賽因不花等劾削脫脫詔泰不花卽軍中代將龔伯遂勸脫脫進

十四年九月脫脫總制諸軍出討高郵賊張士誠尋破賊于高郵城外十二月詔削脫脫官爵安置淮安以太不花等代總其軍初脫脫之再相信用汝中栢由左司郎中叅議中書省平章以下見其議事莫敢異同惟哈麻以有德于脫脫不爲之下汝中栢因譖之脫脫改爲宣政院使哈麻深銜之至是嗾御史袁賽因不花等劾脫脫出師三月略無寸功傾國家之財以爲已用半朝廷之官以爲已隨其弟御史大夫也先帖木兒庸材鄙器玷污清臺紀綱之政不修

兵弗受詔不聽哈刺答自刎死

貪淫之心益著章三上詔以脫脫老師費財已逾三月坐視寇盜恬不為意削去官爵淮安安置也先帖木兒安置寧夏以泰不花月濶察兒雪雪代將其兵詔至軍中龔伯遂曰將在軍君命有所不受且丞相出師時嘗受密旨一意進討可也詔書且勿開開則大事去矣脫脫曰天子詔我而我不從是我與天子抗也君臣之義何在既受詔即出名甲名馬分賜諸將俾各率所部以聽月濶察兒等節制客省副使哈刺答曰丞相此行我輩必死他人之手今日寧死丞

相前遂拔刀自刎而死

脫脫于雲南

十五年三月竄脫脫于雲南初安置脫脫于淮安既又移置亦集乃路至是臺臣尤論其謫輕故再徙雲南之鎮西其弟也先帖木兒徙四川礪門長子哈刺章肅州次子三寶奴蘭州仍籍其家產十二月哈

哈麻矯詔殺脫脫

麻矯詔殺脫脫于雲南脫脫既貶雲南行次大理騰衝知府高惠欲以女事之脫脫曰吾罪人也安敢念及此異詞拒絕惠銜之至是再徙阿輕乞之地惠發軍圍之哈麻又矯詔遣使賜之鳩遂卒年四十二史

太平韓嘉訥
幹勒海壽以
劾哈麻被謫

臣曰脫脫事君始終不失臣節，惟惑于羣小，急復私怨，君子病焉。哈麻者，康里人，與其弟雪雪早備宿衛，帝深寵眷之，而哈麻有口才，尤爲帝所嬖幸，累遷官殿中侍御史，帝每卽內殿，與哈麻以雙陸爲戲，一日哈麻服新衣侍側，帝方啜茶，卽喫茶於其衣，哈麻視帝曰：「天子固當如是耶？」帝一笑而已。其被愛幸，無與爲比。太平爲左丞相，深惡之，與御史大夫韓嘉納謀出哈麻，諷監察御史幹勒海壽列其惡，劾奏之。其小罪則受宣讓王等駝馬諸物，其大者則設帳御幄。

後無君臣禮。又恃以提調徽寧寺爲名，出入脫忽思皇后宮闈無間，犯分之罪尤大。徽寧寺者，主脫忽思皇后錢糧，而脫忽思皇后，帝庶母也。章再上帝，僅奪哈麻雪雪官爵，居之草地，而太平等三人俱罷。頃之復以脫忽思皇后言奪海壽官，禁錮之。謫太平居陝西，加韓嘉訥贓罪，杖流奴兒干以死。哈麻復用，初哈麻嘗進西天僧，以運氣術媚帝，帝習爲之，號演揲兒法。演揲兒，華言大喜樂也。哈麻之妹婿集賢學士秃魯帖木兒，故有寵於帝，與老的沙、八郎答刺馬吉的

哈麻進西天僧秃魯帖木兒進西番僧皆以房術媚帝

波廸哇兒禡等俱號倚納，禿魯帖木兒性姦狡，帝愛之，亦進西番僧伽璘真於帝。伽璘真善秘密法，謂帝曰：「陛下雖尊居萬乘，富有四海，不過保有見世而已。人生幾何，當受此秘密大喜樂禪定。」帝又習之。其法亦名雙修法，曰演揲，曰秘密，皆房中術也。帝乃詔以西天僧爲司徒，西番僧爲太元國師，其徒皆取良家女或四人或三人奉之，謂之供養。於是帝日從事於其法，廣取婦女，惟淫戲是樂。又選采女爲十六天魔舞，每宮中讚佛，則按舞奏樂。宮官受秘密戒者得入。

順帝君臣宣淫

餘不與，又爲龍舟，自後宮至前宮山下海子內遊戲。八郎者，帝諸弟，與其所謂伴新者皆在帝前，相與褻狎，甚至男女裸處，號所出室曰萱卽兀該，華言事事無礙也。君臣宣淫，而羣僧出入禁中，無所禁止，醜聲著聞。雖市井之人亦惡聞之。皇太子年日長，尤深疾禿魯帖木兒等所爲，然欲去之，未能也。哈麻旣譖殺脫脫，遂拜中書左丞相。雪雪亦由知樞密院拜御史大夫，由是國家大柄盡歸其兄弟二人矣。哈麻旣相，自以前所進番僧爲耻，告其父禿魯曰：「我兄弟位居

哈麻欲除禿魯帖木兒語
世被間搆思
蓋等劾其兒
弟杖死

宰輔宜導人主以正。今禿魯帖木兒專媚上以淫褻。天下士大夫必譏笑我。我將除之。且上日趨昏暗。皇太子年長。聰明過人。不若立以爲帝。而奉上爲太上皇。其妹聞之。歸告其夫。禿魯帖木兒恐皇太子爲帝。則已必誅。卽以聞于帝。然不敢斥言淫褻事。第曰哈麻謂陛下年老故耳。帝太驚曰。朕頭未白。齒未落。遽謂我爲老耶。帝卽與禿魯帖木兒謀去哈麻。雪雪計已定。禿魯帖木兒走匿尼寺中。明日帝遣使傳旨哈麻。雪雪毋入朝。御史大夫搠思監因奏劾其罪。帝猶

不忍。右丞相定住等論奏不已。始詔哈麻惠州安置。雪雪肇州安置。臨行。俱杖死。仍籍其家。

張溥曰。唐其勢用。而伯顏殺之。伯顏用。而脫脫逐之。脫脫用。而哈麻殺之。哈麻雪雪用。而禿魯帖木兒殺之。禍福出反勢。若循環。而天下獨寬。脫脫者何也。燕帖木兒輔佐文宗。篡國弑兄。自娶帝后。亂賊橫行。淫死牖下。子唐其勢襲封。謀不軌。伯顏捕誅之。當矣。順后何罪。而并弑之。漢上官桀。安謀反。霍光盡誅其宗族。昭后獨不坐。

廢曹操殺伏完并及獻后史書曰弒元順后伯
 牙吾氏雖燕帖木兒女兄弟謀逆未嘗與聞昭
 臺雲林宜聽自處竟戕諸民舍罪與弒君等耳
 脫脫本馬札兒台子為伯顏所養宿衛禁近政
 令修明憂伯父放縱禍將赤族謀於父師黜竄
 南恩以子逐父似非人情然大義滅親君子所
 予本諸春秋季友鳩牙蓋先之矣哈麻雪雪緣
 乳母恩澤邀帝愛幸西僧一進荒淫日恣孔寧
 儀行父之徒也內忌脫脫潛貶雲南復矯詔鳩

死大臣既隕寇亂益張亡國之罪斬戮無辭禿
 魯帖木兒同以房術結歡後漸携貳發其異志
 兄弟杖死以小人誅小人以親戚圖親戚舉世
 共快所恨者禿魯獨存耳唐其勢于順帝元統
 元年封太平王逾年而即誅伯顏于至元元年
 弒后六年而道死亂臣執柄命必不長脫脫旋
 罷旋起任用稍久出入將相中外稱賢功著東
 南身殲大理諸葛武穆感慨同歸然汝中栢讒
 夫之尤傾信不疑始憾太平而私讐致譏晚隙

元史紀事本末卷二十三
十一
哈○麻○而○家○門○及○禍○比○之○匪○人○傷○何○甚○也○唐○李○德○
裕○相○武○宗○制○三○鎮○史○稱○其○文○章○嚴○馬○政○事○蕭○曹○
乃○痛○言○朋○黨○而○德○怨○未○忘○遂○至○力○戰○錐○刀○淪○身○
瘴○海○惜○脫○脫○善○讀○史○而○未○之○知○鑒○也○

元史紀事本末卷之二十三 終

元史紀事本末卷二十四

明 高安陳邦瞻原編

吳興臧懋循纂輯

太倉張溥論正

小明王之立

順帝至正十一年五月潁州妖人劉福通蕭縣李二
兵起先是四方羣盜蜂起有司不能制及發丁夫開
河民心益愁怨思亂有韓山童者樂城人自其祖父
以白蓮會燒香惑衆謫徙永平至山童倡言天下大

亂彌勒佛下生河南及江淮愚民翕然信之福通與
杜遵道羅文素盛文都王顯忠韓咬兒復鼓妖言言
山童實宋徽宗八世孫當爲中國主福通等乃刑白
馬黑牛誓告天地遂同起兵以紅巾爲號縣官捕之
急山童就擒其妻楊氏及其子韓林兒逃之武安惟
福通黨盛不可制朝廷乃命同知樞密院禿赤以兵
擊之福通旣破潁州遂據宋臯攻羅山上蔡直陽確
山諸縣尋犯武陽葉縣陷汝寧府及光息二州衆至
十萬李二號芝麻李亦以燒香聚衆與其黨趙均用

彭早住攻陷徐州據之九月劉福通兵勢日甚右
丞相脫脫乃奏以其弟御史大夫也先帖木兒知樞
密院事及衛王寬徹哥總帥諸衛軍十餘萬討之復
上蔡擒其黨韓咬兒誅之

也先帖木兒
等詳擒韓咬
兒

十二年二月定遠郭子興見汝潁兵起列郡騷動遂
與其黨孫德崖等舉兵自稱元帥攻拔濠州據之徹
里不花率兵欲復濠州憚不敢進惟日掠良民指稱
爲盜以徼賞由是人皆洶洶不安訛言日甚三月
也先帖木兒軍潰於沙河時也先帖木兒駐軍沙河

郭子興孫德
崖等舉兵

也先帖木兒
軍潰遣蠻子
代之

脫脫大破芝
麻李等被召
還朝

福通立韓林
兒為帝

軍中夜驚盡棄軍械北奔汴梁收散卒退屯朱仙鎮
朝廷以也先帖木兒不知兵遣平章蠻子代之
九
月右丞相脫脫自出軍至徐州攻其西門賊出戰奮
擊破之芝麻李遁去趙均用彭早住遁濠州追擒其
將數十人遂屠其城尋召脫脫還朝

十五年二月劉福通自碭山夾河迎韓林兒至立為
皇帝又號小明王建都亳州國號宋改元龍鳳以其
母楊氏為皇太后杜遵道盛文郁為丞相劉福通羅
文素為平章劉六知樞密院事拆太清宮材建宮闕

荅失八都魯
大破福通

福通疾遵道專權命甲士搗殺之遂自為丞相
十一月荅失八都魯進擊劉福通戰于長葛大敗將士
皆奔潰至中牟收散卒屯聚會劉哈刺不花引兵來
援大破福通兵復駐汴梁
十二月荅失八都魯大
破劉福通於太康遂圍亳州小明王遁安豐

十七年二月劉福通遣其黨毛貴陷膠州倪文俊陷
陝州李武崔德等破商州攻武關直趨長安分掠同
華諸州三輔震恐俄為察罕帖木兒所敗乃退
六月劉福通攻汴梁其兵分三道關先生破頭潘馮長

福通等兵勢
大振

舅沙劉二趨晉冀白不信大刀放李喜喜趨關中毛
貴據山東其勢大振 十二月太尉荅失八都魯卒
于軍時劉福通攻陷曹濮大名衛輝諸路荅失八都
魯引兵擊之詔遣知樞密院事達理麻失理來援分
兵于雷澤濮州以禦福通達理麻失理戰沒諸軍大
潰荅失八都魯退駐石村朝廷疑其玩寇失機使者
趣戰相踵敵覘知之詐爲荅失八都魯通好書遺諸
路使者果得之以進荅失八都魯聞之憂憤死
十八年五月劉福通攻汴梁守將竹貞出走福通入

據其城乃自安豐迎其主韓林兒居之以爲都 秋
七月懷慶路守將周全叛附于劉福通時察罕帖木
兒駐軍洛陽遣伯帖木兒以兵守盩子城周全來戰
伯帖木兒爲其所殺遂盡驅懷慶民入汴梁福通遣
全收洛陽守將登城以大義責全全愧謝退兵福通
殺之

十九年八月察罕帖木兒克汴梁劉福通復以其主
韓林兒走據安豐

二十三年二月張士誠將呂珍入安豐殺劉福通據

其城。

二十六年十二月小明王韓林兒卒

張溥曰漢之後非漢而稱漢以殘晉者曰劉淵。唐之後非唐而稱唐以滅梁者曰李存勗。宋之後非宋而稱宋以亂元者曰韓林兒。淵本匈奴左賢王豹子。初為侍子在洛。王渾李熹等皆折節稱達之。乘晉八王之爭歸集五部。即漢王位。陷河東平陽蒲坂為首亂。存勗年十一。即從克用破王行瑜。後承三矢之命。竟服真定。并山東。

取漁陽。兼魏博。策馬渡河。而梁寇殄滅。此皆英畧。天授壯氣。蚤厲或為真王。或為大盜。俱非偶然。林兒則韓山童子也。山童詭託彌勒。妄號宋裔。刑白馬。告天地。縣官捕治。立時就擒。小寇無能。直燕雀耳。林兒逋逃之餘。母子窮窘。劉福通等強擁為帝。戰敗輒走。遂死滁陽。楚懷王孫心牧羊民間。項梁立之。尊稱義帝。項籍殺之。江中劉玄。吏繫逃匿。王匡等推為天子。建元。更始敗于赤眉。謝祿殺之。兩人家族。帝王羣雄。推附器。

小○任○重○亡○不○旋○踵○林○兒○父○子○樂○城○草○竊○假○名○瀛
 國○以○盆○子○之○懦○兼○王○郎○之○詐○奔○北○殺○身○宜○其○速
 也○然○紅○巾○賊○起○潁○川○最○勁○當○其○兵○分○為○三○也○劉
 福○通○取○河○南○毛○貴○取○山○東○關○先○生○破○遼○陽○焚○上
 都○中○原○以○北○幾○三○分○有○二○風○馳○電○激○豈○徒○藉○宋
 虛○聲○哉○天○厭○胡○運○石○人○生○謠○韓○劉○揭○竿○勢○猶○陳
 涉○勝○國○空○名○河○淮○響○震○不○必○其○人○龍○種○也○真
 人○既○出○因○其○年○號○資○其○土○疆○大○舉○北○伐○傳○檄○遂
 定○詩○曰○伯○也○執○爰○為○王○前○驅○其○小○明○龍○鳳○之○謂

乎。

元史紀事本末卷之二十五

明 高安陳邦瞻原編

吳興臧懋循纂輯

太倉張溥論正

察罕帖木兒克復之功

順帝至正十二年十二月以察罕帖木兒為汝寧府
達魯花赤先是汝穎盜起江淮諸郡皆殘破朝廷徵
兵致討卒無成功穎州沈丘人察罕帖木兒奮起義
兵沈丘子弟願從者數百人與羅山李思齊同設奇

察罕帖木兒
起義兵與李
思齊襲破羅
山

計襲破羅山事聞朝廷授察罕帖木兒汝寧府達魯花赤思齊知府事於是所在義士俱將兵來會得萬人自成一軍屯沈丘數與賊戰輒克捷。

十五年汝穎賊勢滋盛由汴以南陷鄧許嵩洛等州察罕帖木兒引其兵轉戰而北遂成虎牢以遏鋒賊乃北渡孟津焚掠至覃懷河北震動察罕帖木兒進戰大敗之餘黨柵河洲殲之無遺類河北遂定朝廷奇其功除中書刑部侍郎苗軍以滎陽叛察罕帖木兒夜襲之虜其衆遂營中牟已而淮右賊衆三十萬

察罕帖木兒
定河北

掠汴以西來擣中牟營察罕帖木兒結陣待之以死生利害諭士卒士卒賈勇決死戰無不一當百會大風揚沙自率猛士鼓譟從中起奮擊賊中堅賊勢披靡不能支棄旗鼓遁走追殺十餘里斬首無算軍聲大振。

十六年汝穎賊李武崔德等陷陝州遂斷殺函勢欲趨秦晉知樞密院事答失八都魯方節制河南軍調察罕帖木兒及李思齊往攻之察罕帖木兒卽鼓行而西夜拔殺陵立柵交口陝城堅賊轉南山粟給食

固守攻之猝不可拔察罕帖木兒乃焚馬矢營中如炊烟狀以疑賊而夜提兵拔靈寶城賊始覺不敢動渡河掠安邑察罕帖木兒追襲以鐵騎蹙之賊回拒下陽赴水死者甚衆賊勢窮遁去以功加河北行樞密院事

十七年劉福通遣其黨毛貴陷膠州倪文俊陷陝州李武等破商州攻武關遂直趨長安掠同華諸州三輔震恐時行臺豫王阿剌忒納失里及省院官皆洵懼計無所出侍御史王思誠曰察罕帖木兒之名賊

王思誠求援
于察罕帖木
兒關中遂定

素畏之宜遣使求援此上策也守將恐其輒已論久不決思誠曰吾兵弱朝夕失將咎將安歸乃移書察罕帖木兒曰河南陝西兩省互爲唇齒陝西危則河南豈能獨安察罕帖木兒新復陝州得書大喜遂提輕兵五千與李思齊倍道赴援遇賊轉戰殺掠無算賊遂潰捷聞朝廷以察罕帖木兒爲陝西行省左丞未幾賊自巴蜀陷秦隴據鞏昌遂窺鳳翔察罕帖木兒卽先分兵入守鳳翔城而遣諜者誘賊圍鳳翔察罕帖木兒自將鐵騎晝夜馳二百里赴之分軍張左

右翼掩擊城中軍亦開門鼓譟而出內外合擊呼聲
動天地賊大亂自相踐蹂斬首數萬級餘黨皆遁關
中遂定

十八年賊毛貴等陷山東遂分道犯京畿朝廷徵諸
道兵入衛詔察罕帖木兒以兵屯涿州察罕帖木兒
卽留兵戍清湫義谷屯潼關塞南山口以備他盜而
自將銳卒赴召時轉濮賊方分道踰太行焚上黨掠
晉冀陷雲中鴈門上郡烽火數千里復大掠南還察
罕帖木兒先遣兵伏南山阻隘自勒重兵屯聞喜絳

陽賊果出南山縱伏兵橫擊之賊皆棄輜重走山谷
遂分兵屯澤州塞碗子城屯上黨塞吾兒谷屯并州
塞井徑口以杜太行諸道賊屢至守將數血戰擊却
之河東悉定進陝西行臺右丞兼行臺侍御史同知
河南行樞密院事於是朝廷乃詔察罕帖木兒守禦
關陝晉冀鎮撫漢沔荆襄便宜行事察罕帖木兒益
務練兵訓農以平定四方爲已責是年劉福通陷汴
梁造宮闕易正朔號召羣盜自巴蜀荆楚江淮齊魯
遼西至甘肅所在兵起勢相聯結察罕帖木兒乃北

塞太行南守鞏洛自將中軍軍汜池將謀取汜會賊將周全以賊軍攻洛陽察罕帖木兒以奇兵出宜陽破之進陝西行臺平章政事仍兼同知行樞密院事十九年察罕帖木兒以大軍次虎牢先發游騎南道出汜南略歸亳陳蔡北道出汜東戰船浮于梁水陸並下略曹南據黃陵渡乃大發秦兵出函谷過虎牢晉兵出太行踰黃河俱會汜城下首奪其外城察罕帖木兒自將鐵騎屯杏花營諸將環城而壘賊屢出戰輒敗遂嬰城以守乃夜伏兵城南旦日遣苗軍跳

帖木兒
帖木兒

梁者略城而東賊傾城出追伏兵鼓譟起邀擊敗之又令弱卒立柵外城以餌賊賊出爭之佯走薄城西因縱鐵騎突擊悉擒其衆賊由是不敢復出自五月至八月謀知城中計窮食且盡乃與諸將關思孝等議各分門而攻至夜將士賈勇登城斬關入遂拔之劉福通挾其僞主從數百騎出東門遁去捷聞進河南平章政事兼樞密陝西行臺御史中丞詔告天下先是中原亂江南海漕不復通京師屢告饑至是河南既定檄書達江浙海漕乃復至

察罕帖木兒
父子定山東

二十一年察罕帖木兒克山東先是察罕帖木兒旣定河南乃以兵分鎮關陝荆襄河洛江淮而重兵屯太行營壘旌旗相望數千里乃日修車船繕兵甲務農積穀訓練士卒謀大舉以復山東至是諜知山東羣盜自相攻殺而濟寧田豐亦降于賊六月察罕帖木兒乃輿疾自陝抵洛大會諸將與議師期發并州軍出井徑遼沁軍出邯鄲澤潞軍出磁州懷衛軍出白馬及洛汴軍水陸俱下分道並進而自率鐵騎建大將旗鼓渡孟津踰覃懷鼓行而東復寇州東昌八

月師至鹽河遣其子擴廓帖木兒及諸將以精卒五萬擣東平與東平賊遇兩戰皆敗之斬首萬餘級直抵其城下察罕帖木兒以田豐據山東久軍民服之乃遣書諭以逆順之理豐及王士誠皆降遂克東平濟寧時大軍猶未渡羣賊皆聚于濟南而出兵齊河禹城拒戰察罕帖木兒分遣奇兵取間道出賊後南略泰安逼益都北徇濟陽章丘中循濱海郡邑乃自率大軍渡河與賊將戰于分齊大敗之進逼濟南城而齊河禹城俱來降南道諸將亦報捷再敗益都兵

于好石橋東至海濱郡邑皆聞風送款攻圍濟南三月城乃下詔拜中書平章政事知河南山東行樞密院事陝西行臺中丞如故察罕帖木兒遂進兵圍益都環城列營凡數十大治攻具百道並進賊悉力拒守復掘重塹築長圍遏南洋河以灌城中仍分守要害收輯流亡郡縣戶口再歸職方號令煥然

二十一年察罕帖木兒爲田豐所殺時山東俱平獨益都孤城猶未下六月田豐王士誠陰結賊復圖叛豐之降也察罕帖木兒推誠待之不疑數獨入其帳

察罕帖木兒
入田豐營爲
王士誠所殺
擴廓帖木兒
復仇取二賊
之心以祭父

中豐旣謀變乃請察罕帖木兒行觀營壘衆以爲不可往察罕帖木兒曰吾推心待人安得人人而防之左右請以力士從又不許乃從輕騎十有一人行至王信營又至豐營遂爲王士誠所刺先是有日氣如索長五百餘丈起危宿掃大微垣太史奏山東當大水帝曰不然山東必失一良將卽馳詔戒察罕帖木兒勿輕舉未至而已及於難詔贈潁川王謚忠襄錄其子擴廓帖木兒爲平章政事兼知山東河南行樞密院事代總其兵擴廓帖木兒旣襲父職身率將士

誓必復讐。而賊城守益堅。乃遣壯士穴地通道以入。十一月遂拔其城。執賊首陳傑頭等二百餘人。取田豐王士誠之心以祭其父。餘黨皆就誅。復遣兵取莒州、山東、悉平。

張溥曰：元順帝即位之四年，廣東朱光卿、河南棒胡、四川韓法師等兵起。其後漳州李志甫、袁州周子旺、湖廣蔣丙、汀州羅天麟等與燕南山東羣盜所在縱橫。至遼陽之吾者野人、雲南夷之死可伐、靖州徭之吳天保紛籍告亂。集慶花

山賊僅三十六人，破官軍萬數。凡彼盜名字掠城邑者，蓋無歲不動也。溫台汝穎大盜寢昌、天下騷動。大將數沒：李黼死於徐壽輝，秦不華死於方國珍，星吉死於趙普勝，李齊死於張士誠。褚不華身經百戰，盡命淮安。余闕每戰必勝，喪元安慶。毛貴破濟南路，而董搏霄被刺。陳友諒寇信州，而伯顏不花的斤戰死。此數臣者，或孤城窮守，烈比睢陽；或義士從游，客同東海。母教子忠，臣心貫日。多賢殄瘁，國何可長。然水德閏

元史紀事本末卷之二十五
位大運告終尤莫甚于脫脫之貶察罕之死也。脫脫有道大臣東南之亂躬冒矢石破李二敗士誠賊勢大感功在旦暮哈麻修怨嗾袁賽因劾之削官安置龔伯遂勸其一意進討勿開詔書脫脫不可束身歸命亂遂不救察罕志存當世奮義鄉邑一戰而破羅山二戰而定河北三戰而復陝州四戰而復汴梁五戰而平山東出奇制勝大師必克田豐詐降行營難發神龍困蟪禍生不戒天真不欲祐元乎何奪之暴也李牧死而趙亡其死以讒費禕死而蜀敗其死以疎脫脫之罹譖人其李牧乎察罕之中賊傷其費禕乎大功垂成而臨敵已易錫命方隆而刺客間作國家急難嘗患無人有人矣嘗患不得其用既用矣嘗患不得其死班彪論王命有旨哉

元史紀事本末卷之二十六

九

元史紀事本末卷之二十六

明 高安陳邦瞻原編

吳興臧懋循纂輯

太倉張溥論正

東南喪亂

順帝至正八年十一月台州黃巖民方國珍兵起初國珍與蔡亂頭等相讐殺遂入海為亂劫掠漕運詔江浙叅政朶兒只班討捕之追至福州國珍知事危焚舟將遁我兵自相驚潰朶兒只班遂被執國珍迫

方國珍起兵
執朶兒只班
迫上降狀歸
賜請討之不
聽

元史紀事本末卷之二十六

其上招降之狀，朝廷從之，授國珍兄弟以官。將治朶兒只班之罪，樞密叅議歸賜曰：將之失利，其罪固當。然所部皆北方步騎，不習水戰，是驅之死地耳。宜募海濱之民，習水利者，擒之。今國珍遣人請降，決不當從。國珍已敗我王師，又拘我王臣，力屈而來，非真降也。必討之，以令四方。時朝廷方事姑息，卒從其請。國珍兄弟不肯赴，勢益猖獗。

十一年六月，方國珍兄弟入海，燒掠沿海州郡。朝廷遣江浙行省左丞孛羅帖木兒往擊之。兵至大閭洋，

孛羅帖木兒
爲國珍所執
代上飾詞遣
達識帖木邇
招之泰不華
欲殺國珍不
聽

國珍夜率勁卒縱火鼓譟，官軍不戰皆潰。赴水死者

過半。孛羅帖木兒被執，反爲國珍飾詞。上聞，朝廷復

遣達識帖木邇等至黃巖，招國珍。國珍兄弟皆登岸

羅拜，退止民間。紹興總管泰不花欲命壯士襲殺之。

達識帖木邇曰：我受詔招降，公等欲擅命耶？乃止。仍

檄泰不花至海濱，散其徒衆，授國珍兄弟官。有差

十月，蘄州人徐壽輝等兵起，攻陷蘄水縣及黃州路。

壽輝自稱皇帝，國號天完，改元治平。以鄒普勝爲太

師，攻陷饒州。執魏中立，陷信州。執于大本，二人不屈。

徐壽輝起兵
魏中立于大
本死之

並死之

十二年正月徐壽輝兵陷漢陽遂陷武昌行省丞相

威順王寬徹普化等棄城走壽輝兵復陷安陸府知

府丑驢戰不勝死之攻沔陽推官俞述祖戰敗被執

不屈壽輝怒支解之二月徐壽輝兵攻九江右丞

李羅帖木兒方駐兵于江聞風宵遁總管李黼檄鄉

落聚木石于險處遏其歸路黃梅生簿也孫帖木兒

願出擊賊黼與之出戰大敗賊兵殺獲二萬餘人黼

曰賊不利於陸必以舟薄我乃令以長木數千冒鐵

椎于杪暗植沿岸水中賊舟數千艘順流鼓譟而至

遇木椿不得動黼發火箭射之焚溺無算時東際淮

甸西自荆湖守臣往往棄城遁獨黼守孤城中外援

絕而賊勢益熾進兵薄城分省平章禿堅不花自北

門出走黼引兵登埤賊已焚西門張弩射之轉攻東

門黼急往救城已破賊兵入矣猶與之巷戰力不能

敵乃揮劍叱之曰殺我無殺百姓賊刺之墮馬與兒

冕子秉昭俱死州人聞之哭聲震地具棺葬之時冕

居穎亦死于賊事聞贈黼隴西公謚文忠三月台

壽輝陷城丑驢俞述祖死之

李黼人敗賊兵無援城陷遂戰死

李冕李秉昭死義

泰不華與國
珍戰于澄江
死之

州路達魯花赤泰不花與友國珍戰于澄江死之時
朝廷方征徐州命江浙募舟師北守太江國珍懷疑
復劫其黨入海泰不花遣義士王大用往諭國珍拘
留不遣而令其黨陳仲達往來議降泰不華具舟張
受降旗乘潮下澄江觸沙不行垂與國珍遇呼仲達
申前議仲達目動氣索泰不花覺其心異手斬之即
前搏賊船奮擊之賊羣至欲抱持入其船泰不華噴
目叱之奪刀殺賊賊攢擗刺之中頸死猶植立不仆
投其屍海中事聞追贈魏國公謚忠介 七月徐壽

董搏霄復杭
州又平徽州

輝遣項普略引兵掠徽饒諸州遂犯昱嶺關攻杭州
城中猝無備叅政樊執敬遽上馬率衆出中途與賊
遇乃奮力斫賊中鎗而死時董搏霄從江浙平章教
化征安豐乘勝攻濠州會朝廷命移軍援江南遂渡
江至德清而杭州已陷教化問計搏霄曰賊見杭城
子女玉帛必縱欲不暇爲備宜急攻之若退保湖州
使賊乘銳出京口則江南不可爲矣教化猶豫未決
諸將亦疑其行搏霄曰公江浙相君方面旣陷而及
今不取誰任其咎復拔劍顧諸將曰相君在此敢有

慢令者。斬遂進兵薄杭州。賊迎敵。麾壯士突前。諸軍相繼夾擊。凡七戰。追殺至清河坊。賊奔接待寺。塞其門而焚之。賊皆死。遂復杭州。已而餘杭武康德清亦次第平。搏霄亦受代去。徽饒賊復自昱嶺關寇於潛。行省乃假搏霄爲叅政。復提兵討之。搏霄卽日引兵扼新溪。追殺至於潛。復其縣。又復昱嶺關。賊兵復大至。陷千秋關。搏霄按軍不動。伏兵城下。授以火礮。約曰。見旗動卽發。已而視賊稍懈。進兵擊之。伏兵見旗動。盡發。遂奪千秋關。賊復攻獨松百丈幽嶺三關。搏

霄先以兵守要路。分三道會兵。擣賊巢。乘勝復安吉。尋克廣德。賊復犯徽州。有道士能作十二里霧。搏霄伏兵擊之。已而妖霧開。伏兵皆起。賊大潰。斬首數萬級。徽州復平。九月。以余闕爲淮西宣慰副使。守安慶。時寇兵日盛。闕抵官十日。而賊至。拒却之。乃集有司諸將議屯田戰守策。環境築堡砦。選精甲外捍。而耕稼於中。浚隍增埤。隍外環以大防。深塹三重。南引江水注之。環植木爲柵。城上四面起飛樓。表裏完固。俄升都元帥。廣西苗軍五萬從元帥阿思蘭沿江下。

余闕不用苗

闕為江淮保障

星吉擒周驢
復池州無援
戰死

抵廬州。闕移文謂苗蠻不當使窺中國。詔阿思蘭引還。苗軍有暴于境者，即收戮之。凜凜莫敢犯。時羣盜環布四外，闕居其中。左提右挈，屹為江淮一保障。十二月，江西行省平章政事星吉擊趙普勝戰于湖口，兵敗死之。星吉初為南臺御史大夫，執政惡之，出為湖廣平章。至是移江西，星吉馳赴任。比至江東，復有詔令守江州。時江州已陷，趙普勝、周驢等據池陽、太平諸郡，號百萬。星吉募兵得三千人，趨銅陵，克之。擒驢，奪其船六百艘。軍聲大振，遂復池州。分兵攻石

埭諸縣，進據清水灣，又大破之。賊久圍安慶，聞風燒營遁去。遂進復湖口縣，克江州，留兵守之。命王惟恭柵小孤山。星吉自據番陽口，綴江西要衝，以圖恢復。日久援不至，賊乘大艦來攻，編葦筏塞上下流，火之星吉率兵力戰，衆死且盡。星吉猶堅坐不動。中流矢而仆，賊素聞其名，不忍害，舁至密室，乃蘇。羅拜餽食。星吉叱之，七日乃自力而起。北向再拜曰：臣力竭矣。遂絕。星吉，河西人，搆思吉之子。

十三年五月，泰州白駒場亭民張士誠及其弟士德

張士誠士德
士信起兵李
齊死之

士信起兵陷泰州淮南行省遣知府李齊招降被留
久之賊酋自相戕始縱齊來歸士誠尋殺參政趙璉
陷興化縣行省以左丞佛哲篤鎮高郵出齊守甓社
湖會數賊呼噪入城省憲官皆遁齊還城門已閉士
誠遂據高郵稱誠王國號大周建元天祐已而有詔
赦之使至不得入賊給言請李知府來乃受命行省
強齊往至則下齊於獄齊雖辨說百端而士誠本無
降意士誠呼齊使跪齊叱曰吾膝如鐵豈為賊屈士
誠怒使拽倒椎碎其膝而髑之時論大科三魁若李

以方國珍兄
為各路治
中不受

卜顏帖木兒
等討敗壽輝

黼泰不華及齊皆不負科名云 十月以方國珍兄
弟為各路治中不受先是遣江浙左丞帖里帖木兒
南臺侍御史左答納失里復招諭國珍既而二人報
國珍已降乞授以五品流官令納其船散遣徒眾遂
以國珍為徽州路治中國章廣德路治中國英信州
路治中國國珍等疑懼不受命仍擁船千艘據海道阻
絕糧運復遣江浙右丞阿兒溫沙等率兵討之 十
二月江浙行省卜顏帖木兒及西寧王牙罕沙等合
軍討徐壽輝于蘄水壽輝敗走獲其官屬四百人初

劉濬罵賊死
子徼復仇擒
王善

達識帖睦邇
為士誠所敗

徐壽輝將王善既陷羅源，遂攻福州。連江縣巡檢劉濬募壯士與其子徼數與力戰。濬中箭墮馬，徼下馬掖之，俱被執。濬罵賊而死，徼亦以死拒賊。善義而釋之，使瘞父屍，徼歸請帥府兵以復讐，弗聽。因盡散家貲，結死士百人，詐為工商流丐入賊中。半夜發火，大譟。賊驚擾，自相殺。徼手斬殺其父者，并擒善獻于帥府。事聞，贈濬行省檢校，授徼古田令。

十四年六月張士誠寇揚州，達識帖睦邇兵敗，諸軍皆潰。士誠尋陷盱眙及泗州。

報恩奴為倪
文倪所殺

朶兒只班戰
死

十五年春正月徐壽輝遣其將倪文俊復破沔陽，威順王寬徹普化令其子報恩奴等同元帥阿思藍水陸並進討之。至漢川水淺，文俊用火筏燒船，兵遂敗。報恩奴被殺。三月徐壽輝兵破襄陽。五月倪文俊自沔陽復破中興路。元帥朶兒只班戰死。十六年正月倪文俊建都于漢陽，迎徐壽輝據之。未幾復陷嘗德澧州諸路。二月張士誠陷平江路，據之。改為隆平府。遂陷湖州松江嘗州諸路。初，或傳士誠有降意，朝廷遣烏馬兒孫撫持詔往諭之。士誠拘

士誠據平江路殺烏馬兒孫撫

士誠破杭州左答納失里戰死

達識帖睦爾楊完者所制

楮不華父子死義

之一室迫使降撫詬斥不絕及士誠徙平江撫與士誠部將張茂先者謀遣人約鎮南王刻日進兵復高郵事泄被害三月方國珍復降命為海道漕運萬戶其兄國璋為衢州路總管七月張士誠遣兵破杭州江浙丞相達識帖睦爾遁平章左答納失里戰死先是達識帖睦爾兵屢敗議者以為苗軍可用遂自寶慶招土官楊完者至淮南殺賊以功累官江浙行省參政至是士誠兵破杭州達識帖睦爾兵入富陽完者乃自嘉興引苗軍及萬戶普賢奴擊敗士誠

兵復其城達識帖睦爾乃還然苗軍素無紀律肆為抄掠所過蕩然無遺達識帖睦爾方倚完者為重莫敢禁遏完者益恣凡事皆決于完者達識帖木爾僅署成案而已是年淮安城陷廉訪使楮不華死之楮不華居羣盜間守淮安者五年大小數百戰糧盡食草木螺蛤魚蛙烏燕及靴皮鞍韉革廂弓之筋俱盡撤屋為薪人皆露處城陷不華猶據西關力鬪中傷見執為賊所斃子伴哥亦死

十七年八月張士誠侵嘉興楊完者敗之士誠乃以

楊完者爲士
誠請封爵達
識帖睦爾授
以太尉

陳友諒殺文
俊併其軍

書約降完者欲納之達識帖睦爾以其反覆不可信
不許完者固勸乃承制假江浙廉訪使周伯琦行省
叅政至平江招諭之士誠始要王爵不許又請爲三
公完者亦力爲之請達識帖睦爾幸其降遂授士誠
太尉其弟士德淮南平章士信同知樞密院事其黨
皆授官有差於是朝廷以招安士誠爲達識帖睦爾
之功加太尉九月徐壽輝將陳友諒殺倪文俊併
其軍自稱平章

十八年正月陳友諒破安慶淮南行省左丞余闕死

之先是闕固守安慶倚小孤山爲藩蔽命義兵元帥
胡伯顏統水軍戍守友諒自上流引軍直擣山下伯
顏與戰四日夜不勝奔還賊追薄城下闕遣兵扼之
俄而饒寇攻西門友諒兵乘東門旣登城闕揀死士
奮擊敗之敵兵恚甚乃併軍樹柵起飛樓來攻闕分
兵捍敵晝夜不得息至是池州趙普勝軍東門友諒
軍西門饒州軍南門四面蟻集闕徒步提戈爲士卒
先分遣部將督三門之兵自以孤軍血戰斬首無算
而闕亦被十餘創日中城陷火起闕知不可爲乃引

友諒破安慶
余闕韓建
家死義居民
不從賊者千
餘人

城陷
亦撓功

伯顏不花的
斤援信州而
戰死

刀自剄墮清水塘中死。妻蔣氏及妾耶卜耶律氏子
德臣女安安甥福童亦皆赴井死。同時死者守臣韓
建一家被害居民誓不從賊焚死者以千計。其知名
者萬戶李宗可紀守仁陳斌金承宗經歷段桂芳都
事帖木補花千戶盧廷玉葛延齡丘喬許元琰奏差
元都蠻百戶黃寅孫安慶推官黃禿倫及經歷楊恒
知事余中懷寧縣尹陳巨濟事聞贈闕平章政事追
封幽國公謚忠宣。四月陳友諒破龍興時火你赤
以左丞守洪都舊帥道童任其將章伯顏普化顏不

花捍城頗有功火你赤疾而撓之城陷火你赤出走
道童奔撫州謀舉兵為追者所殺友諒盡陷江西諸
路

十九年六月陳友諒遣其黨王奉國寇信州伯顏不
花的斤自衢往援破走其兵時鎮南王子太聖奴屯
兵城中開門出迎伯顏不花登城四顧誓以破賊自
許。後數日賊又來攻遂分兵為三出城奮擊斬首數
千級復大破之友諒弟友德植木柵攻城益急又遣
使來說降伯顏不花的斤曰汝來誘我耶我頭可斷

足不可移。乃數其罪而斬之。由是日夜鏖戰，糧竭矢盡，而氣不衰。城中食草苗、茶紙、括靴底，掘鼠羅雀，殺老弱以食。伯顏不花屢出兵破賊。奉國遂穴地道，晝夜攻之不息。踰旬，城遂陷。伯顏不花的斤與大聖奴及部將海魯丁、蔡誠、蔣廣皆戰死。初，伯顏不花的斤之赴援也，入白其母鮮于氏曰：「兒今不得事母矣。」母曰：「爾為忠臣，吾亦何憾。因命子也。」先不花奉其母間道入閩，以江東廉訪司印送行臺。而提兵向信。鮮于氏太嘗典簿樞之女。十二月，陳友諒徙其主徐壽

于氏教子死忠

友諒徙壽輝都江州

輝都江州，自稱漢王。初，壽輝聞友諒破龍興，欲徙都之。友諒忌其來不利於已，不從。至是，壽輝引兵發漢陽，南下江州。友諒陽出迎，而伏兵於城西。俟壽輝既入，門閉，伏發，盡殺其部曲，惟存壽輝。以江州為都，居之。遂自稱漢王，立王府，置官屬，事權盡歸友諒。壽輝惟擁虛位而已。

二十年三月，陳友諒弒其主徐壽輝。先是，友諒率舟師犯太平，挾壽輝以行。太平既陷，急謀僭竊，乃於采石舟中，佯使人詣壽輝前白事，令壯士持鐵搥自後。

友諒弒壽輝

擊之碎其首壽輝死友諒遂以采石五通廟爲行殿
稱皇帝國號漢改元大義仍以鄒普勝爲太師張必
先爲丞相羣下立江岸草次行禮值大雨至略無儀
節

二十三年九月張士誠自稱吳王士誠雖降而城池
甲兵錢穀皆自據如故又素忌楊完者欲圖之而達
識帖睦迺陰與定計舉兵圍之完者及其弟伯顏皆自殺士誠遂遣兵據杭城
朝廷因以其弟士信爲江浙行省平章事方面大權

士誠殺楊完者自稱吳王
達識帖睦迺
飲藥死

悉歸張氏達識帖睦迺徒擁虛名而已至是士誠乃
令其部屬自頌功德求王爵朝廷未許士誠遂自立
爲吳王卽平江治宮室官屬達識帖睦迺後飲藥死
是年陳友諒與大明兵戰敗中流矢死國亡士

誠二十七年始滅方國珍亦降于大明

張溥曰秦滅六國傳二世而陳勝吳廣起兵於
斬劉邦起兵於沛項梁起兵於吳不一年而項
籍破秦軍沛公入關中子嬰出降而秦亡元滅
金宋傳至正而方國珍起兵於台州劉福通起

兵於穎川徐壽輝起兵於羅田郭子興起兵於定遠張士誠起兵於泰州十餘年而大明兵北定中原順帝出走而元亡二代之興皆自西北其亡也禍則發於東南東南爲國咽喉豈不諒哉說者謂元末作亂三十七人閩廣江楚淮之南北浙之東西稱號幾徧類卑卑不足道其最大僭國有五韓林兒不能自立徐壽輝爲下所制陳友諒篡位稱尊張士誠乍臣乍叛明玉珍出兵據蜀主亡建國保境後亡差近守正要

之皆非真主敵也然友諒以沔陽漁人子不樂縣吏從徐壽輝倪文俊用兵壽爲元帥及文俊專恣謀殺壽輝不果奔黃州卽乘釁襲殺之遂併其軍破安慶而殺余闕攻信州而殺伯顏不花的斤戰勝無前海內莫敵亦一時草竊之推也士誠白駒塲民初據高郵卽殺李齊後入平江破杭州戰勝出奇楊完者至僞降要爵旋背之而稱吳王反覆跋扈寧僅狗偷哉迺王師一臨勅敵瓦解友諒弒君之賊走死不暇士

誠○墨○守○之○寇○反○接○入○軍○漢○吳○尅○而○大○業○定○廢○興○
 之○際○其○誰○為○之○或○曰○友○諒○逆○賊○梟○果○好○殺○起○事○
 既○暴○殞○躬○亦○速○士○誠○好○施○能○寬○其○民○屠○城○坑○衆○
 噉○肉○膾○肝○不○忍○為○也○人○樂○盡○力○可○以○緩○死○同○盜○
 彼○善○報○施○亦○然○豈○盡○無○天○乎○然○干○戈○橫○行○始○於○
 至○正○之○十○三○年○劉○福○通○徐○壽○輝○固○亡○胡○之○首○功○
 也○福○通○殺○於○呂○珍○壽○輝○殺○於○友○諒○徒○黨○相○攻○元○
 人○所○快○然○福○通○死○而○宋○將○猶○橫○壽○輝○死○而○漢○夏○
 益○強○盜○賊○日○久○則○豪○傑○漸○生○後○起○之○雄○必○勃○於○
 始○事○死○者○不○足○賀○而○生○者○深○可○弔○也○福○通○之○起○
 猶○陳○涉○壽○輝○之○弑○猶○義○帝○友○諒○之○剽○猶○項○羽○士○
 誠○之○守○猶○田○橫○其○他○則○武○臣○韓○廣○者○流○又○何○足○
 當○赤○帝○子○哉○

元史紀事本末卷之二十七

明 高安陳邦瞻原編

吳興臧懋循纂輯

太倉張溥論正

諸帥之爭

李羅 李思齊

擴廓 張良弼

順帝至正十九年三月詔李羅帖木兒移鎮大同

李羅帖木兒者答失八都魯之子也從父討劉福通等

屢立戰功父沒命為河南行省平章政事代總其眾

擊福通於衛輝走之遂屯真定復自武安由彭城邀

李羅帖木兒 屢立戰功 移鎮大同

截沙劉等敗之。引兵攻拔曹州。至是朝廷命李羅帖木兒移鎮大同。以爲京師捍蔽。復置大都督兵農司。分十道專督屯田。以李羅帖木兒領之。

二十年八月詔李羅帖木兒守石嶺關以北。察罕帖木兒守石嶺關以南。初山西晉冀之地皆察罕帖木兒所平定。而李羅帖木兒兵駐大同。欲併據晉冀。遂相讐隙。故有是詔。九月李羅帖木兒復調兵自石

嶺關直抵晉冀。圍其城。三日退屯交城。察罕帖木兒發兵拒之。朝廷遣使諭令講和。未幾復命以晉冀裨

李羅帖木兒察罕帖木兒不從。遣部將瑣住等來爭。交戰于東勝州等處。朝廷爲再遣使諭解。二人始各還鎮。

二十一年冬十月李羅帖木兒復進屯真定。時察罕帖木兒被害。子擴廓帖木兒代其任。李羅帖木兒結張良弼欲復圖晉冀。引兵侵擴廓帖木兒分地。遂據真定路。

二十二年六月李羅帖木兒遣竹貞襲據陝西。時陝西行省右丞荅失鐵木兒與行臺有隙。恐陝西爲擴

李羅帖木兒與察罕帖木兒有隙詔分守關南北

李羅察罕交戰詔諭還鎮

李羅侵擴廓帖木兒分地

李羅遣竹貞襲據陝西擴廓遣猶高等投降之

廓所有陰結字羅請竹貞入城劫御史大夫完者帖木兒印復拘留之擴廓遣部將額高合李思齊兵攻之竹貞遂降

二十三年十二月御史大夫老的沙罷安置東勝州老的沙逃匿字羅軍中時帝在位久皇太子春秋日盛軍國之事皆其所臨決皇后奇氏乃謀內禪太子而使宦者朴不花喻意於丞相太平太平不荅遂罷去搠思監為丞相帝益厭政不花乘間用事與搠思監相表裏四方警報皆抑不聞中外憂憤宣政院事

朴不花搠思監用事也先帖木兒等劾之皆左遷老的沙堅執被謫遂留字羅軍中

脫歡與之同惡為國大蠹於是監察御史也先帖木兒孟也先不花傅公讓等乃劾奏朴不花脫歡奸邪當屏黜御史大夫老的沙以其事聞皇太子執不下而皇后庇之尤固御史皆坐左遷治書侍御史陳祖仁連上皇太子書切諫之而臺臣大小皆辭職皇太子乃為言于帝令二人姑辭退而祖仁言猶不已又上帝書言二人亂階禍本今不芟除後必不利侍御史李國鳳亦上書爭之由是帝大怒國鳳祖仁等亦皆左遷時老的沙執其事頗力皇太子因惡之而皇

后又譖之於內帝以老的沙母舅故封爲雍王遣歸國已而復以朴不花爲崇政院使老的沙至大同遂留孛羅帖木兒軍中皇太子屢索之不遣

擄思監等誣孛羅不軌詔削官解兵孛羅不受

二十四年三月詔削孛羅帖木兒官爵時皇太子方倚擴廓帖木兒爲外援而怨孛羅帖木兒匿老的沙不遣擄思監朴不花遂誣孛羅帖木兒與老的沙等謀不軌詔削其官使解兵柄歸四川孛羅拒命不受夏四月詔擴廓帖木兒討孛羅孛羅知詔命調遣皆擄思監所爲遂令秃堅帖木兒舉兵向闕秃堅兵

詔擴廓討孛羅孛羅乃遣秃堅舉兵向闕太子出走執擄思監朴不華帝加孛羅等官

入居庸關知院也速詹事不蘭奚迎戰不利皇太子率侍衛兵出光熙門東走古北口趨興松秃堅兵至清河列營時京師無備城中大震令百官吏卒分守京城使達達國師至其軍問故秃堅以必得擄思監朴不花爲對詔慰解之不聽乃執擄思監朴不花二人畀之遂復孛羅官爵總兵事秃堅率兵自建德門入覲帝于延春閣慟哭請罪帝宴賚之加孛羅太保仍守禦大同秃堅爲中書平章政事五月皇太子出奔至路兒嶺詔追及之令還宮皇太子恚怒不已

太子命擴廓
討李羅李羅
自率兵向關
太子復走

遂命擴廓帖木兒調兵分道以討李羅其東道以白
鎮住領兵三萬守禦京師中道以貊高竹貞領兵四
萬西道以關保領兵五萬合擊之關保等進逼大同
李羅留兵守大同而自率兵與禿堅老的沙復大舉
向關六月白瑣住以兵至京師秋七月李羅前
鋒入居庸關皇太子親率兵禦于清河軍士皆無鬪
志太子馳還都城白鎮住引兵入平則門遂扈從太
子由雄霸河間取道走冀寧李羅進軍駐健德門外
與禿堅老的沙入見帝李羅欲追龍皇太子老的沙

止之帝以李羅爲中書左丞相尋進右丞相節制天
下軍馬老的沙爲平章政事禿堅帖木兒爲御史大
夫

二十五年三月皇太子下令擴廓帖木兒軍中討李
羅帖木兒李羅聞之遂出二皇后奇氏幽于諸色總
管府頃之逼后還宮取印章僞爲后書召太子復逼
后出而幽之遣禿堅帖木兒率衆攻上都之附太子
者調也速南禦擴廓帖木兒兵也速次良鄉不進謀
之于衆皆以李羅悖逆中外同憤遂勒兵歸永平遣

李羅幽皇后
奇氏

也速討李羅
斬其將姚伯
顏

人西連擴廓東連遼陽諸王共討李羅軍聲大振李
羅患之遣驍將姚伯顏不花出拒至通州河溢營虹
橋以待也速出其不意襲破之擒斬姚伯顏李羅大
怒自將出通州三日大雨而還時后亦數納美女於
李羅至百日始還宮 秋七月李羅帖木兒伏誅李
羅先嘗以疑殺其將保安既又失姚伯顏鬱鬱不樂
乃日與老的沙等飲宴荒淫無度又酗酒殺人喜怒
不測威順王之子和尚忿其無君數言于帝受密旨
與徐士本謀結勇士上都馬金那海伯達兒等陰圖

和尚徐士本
結伯達兒等
殺李羅

刺殺之至是秃堅帖木兒遣使上告征上都之捷李
羅入奏行至延春閣下伯達兒自衆中奮出斫之中
其腦死老的沙趨出擁李羅家屬北遁詔盡殺其部
黨秃堅帖木兒引輕兵走入兒思之地朝廷遣使函
李羅首往冀寧召太子還京師 九月擴廓帖木兒
扈從太子至京師詔以擴廓爲中書左丞相知樞密
院事太子之奔太原也欲用唐肅宗故事自立擴廓
帖木兒與李蘭奚等不從及還京師皇后奇氏傳旨
令擴廓帖木兒以重兵擁太子入城欲脅帝禪之位

太子欲奔太
原自立擴廓
等不從奇后
令以重兵擁
太子入城擴
廓又散遣其

軍

老的沙秃堅
伏誅

封擴廓為河
南王代太子
親征

擴廓帖木兒知其意比至京城三十里即散遣其眾
由是皇太子心銜之 十月樞密副使觀音奴獲老
的沙誅之秃堅帖木兒尋亦被誅 閏月封擴廓帖
木兒為河南王還視師是時中原無事而江淮川蜀
皆已陷沒皇太子屢請躬出督師征討帝難之乃詔
封擴廓河南王代之親征總制關陝晉冀山東諸道
并迤南一應軍馬便宜行事擴廓帖木兒於是分省
自隨官屬之盛等於朝廷

二十六年二月擴廓帖木兒移軍懷慶未幾又移彰

德調度各處軍馬

二十七年李思齊張良弼脫列伯白會于含元殿推

李思齊為盟主同拒擴廓帖木兒初李思齊與察罕

帖木兒同起義師齒位相等夷及是擴廓帖木兒代

總其兵思齊心不能平而張良弼首拒命孔興脫列

伯等亦皆以功自恃各請別為一軍不相屬擴廓帖

木兒乃遣關係虎林赤以兵西攻良弼于鹿臺而思

齊遂與良弼合兵連不能解擴廓帖木兒始受命南

征反退居彰德惟思用兵陝西由是朝廷始疑其有

張良弼脫列
伯推李思齊
為盟主同拒
擴廓

擴廓戍殺使
臣詔皇太子
總制天下軍
馬

異志。秋七月詔皇太子總制天下軍馬。詔略曰：曩者障塞決河，本以拯民昏墊，豈期妖盜橫造訛言，簧鼓愚頑，塗炭郡邑，殆遍海內。茲逾一紀，故察罕帖木兒仗義興師，獻功敵愾，汎掃汴洛，克平清濟。其子擴廓帖木兒克繼先志，用成駿功。皇太子愛猷識理達臘計安衆社，屢請出師，朕以國本至重，遂授擴廓帖木兒總戎重寄，俾代其行李。李思齊、張良弼等各懷異見，搆兵不已，以致盜賊愈熾，深遺朕憂。詢諸衆謀，咸謂皇太子宜遵舊典，總帥天下兵馬。其擴廓帖木兒

詔罷擴廓兵
柄擴廓不受
貊高關保等
列其罪狀太
子率大兵討
之

自潼關以東，肅清江淮。李思齊自鳳翔以西，與侯伯顏達世進取川蜀。少保禿魯及張良弼、孔興脫列伯共取襄樊。詔書到日，悉宜洗心滌慮，共濟時艱。時朝廷屢促擴廓帖木兒出師江淮，擴廓僅遣其弟脫因帖木兒及貊高等往山東，而與張良弼搆兵不已。詔下和講之。擴廓戍殺使臣跋扈之迹漸張，朝廷疑之。故有是詔。冬十月詔罷擴廓帖木兒兵柄。初詔書雖下，皇太子亦竟止不行，而分兵之命。擴廓帖木兒終捍拒不肯受。於是貊高關保等皆叛擴廓帖木兒。

關保自察罕帖木兒起兵以來卽爲將勇冠諸軍功最高而貌高善論兵尤爲察罕帖木兒所信任及是兩人見擴廓帖木兒有不臣之心故皆叛之列其罪狀聞于朝舉兵共攻之而皇太子用沙藍荅兒帖林沙伯顏帖木兒李國鳳等計立撫軍院總制天下軍馬專備擴廓帖木兒以貌高等能倡太義賜號忠義功臣落擴廓帖木兒太傅中書左丞相依前河南王以汝州爲食邑與弟脫因帖木兒同居河南府從行官屬悉令還朝諸軍在帳前者白鎖住虎林赤領之

在河南者李克彝領之在山東者也速領之在山西者沙藍荅兒領之在河北者貌高領之擴廓帖木兒旣聞詔卽退軍還澤州詔又命禿魯與李思齊張良弼孔興脫列伯率兵東向以正天討明年朝廷命左丞孫景逸分省太原關保以兵爲之守擴廓帖木兒卽遣兵據太原盡殺朝廷所置官皇太子乃命魏賽因不花及關保皆以兵與思齊良弼諸軍夾攻澤州又下詔削奪擴廓帖木兒爵邑令諸軍共誅之擴廓帖木兒乃退守平陽而關保遂據澤潞二州以與貌

擴廓擒高
關保帝罷撫
軍院而復其
位後奔其肅

高合時李思齊張良弼孔興脫列伯等與擴廓帖木兒相持既久。大明兵時已及河南。思齊等乃遣使詣擴廓帖木兒告以出師非平心。遂解兵。大掠西歸。獨高復攻平陽。當是時擴廓帖木兒氣稍沮。而關保高勢甚振。數請戰。擴廓帖木兒不應。或師出即復退。一日諜知高。分兵掠祁縣。即夜出師薄其營。擊之大敗。其衆高關保皆就擒。朝廷聞之。遽罷撫軍院。而帖林沙伯顏帖木兒李國鳳等以誤國皆受誅。既而擴廓帖木兒上疏自陳其情。朝廷復下詔。滌

其前非。於是大明兵已定山東及河洛。中原俱不守。帝乃下詔復命擴廓帖木兒仍前河南王。中書左丞相以兵南下也。速兵趨山東。禿魯出潼關。李思齊出七盤金商。圖復汴洛。未幾也。速兵潰。思齊兵亦未嘗出。擴廓帖木兒又自平陽退守太原。不敢復南向。事已不可爲矣。已而大明兵迫京城。帝北奔。國遂以亡。及大明兵至太原。擴廓帖木兒即棄城遁。領其餘軍西奔于其肅。後不知所終。

張溥曰擴廓帖木兒李察罕子。孛羅帖木兒答

失入都魯子也。荅失胄出勲舊。謀略善戰。討賊
荆襄。恢復故壤。進擊僞宋。數奏捷功。諜書間行。
一夕憂死。察罕起義沈丘。削平羣盜。中原底定。
增邑封王。忽白氣呈象。身喪賊營。二臣皆忠貞。
智勇勲懋。王室大志未酬。箕裘善繼。李羅揚旌。
破賊擴廓。啣哀復仇。爲臣爲子。義皆無愧。方謂
同心斷金。夾輔再造。天子開景風之賞。九泉雪
戴天之辱。卽有小忿捐焉可也。奈何李羅尾大。
欲據晉冀。察罕調兵拒戰。怨隙遂深。擴廓旣代。

父將。李羅復來爭地。陝西一戰。連師不解。重以
朴不花脫歡用事。老的沙禿堅出逃。太子內懷
積忿。下詔專征。李羅遂舉兵犯闕。囚后劫君。逆
不可制。後幸伏誅。京國稍安。而擴廓復構。元亡
出奔原。太子之心。初討李羅。惡其納逋。非爲擴
廓也。原李羅之心。初拒朝命。專攻擴廓。非憾太
子也。兵一發而不收。勢日激而愈重。擴廓無仇
而太子有仇。擴廓無禍而太子有禍。其故何哉。
主兵之名在太子也。主兵之名在擴廓則李羅。

之戰止兩下相攻而朝廷猶可以解主兵之名
在太子則孛羅之戰直以下犯上而人主竟與
爲敵太子方問秃堅老的沙而孛羅已殺搠思
監朴不花奇后被幽儲君出走大逆無將罪必
不宥和尚定謀兇人就戮擴廓之怨雖除而國
家之傷已甚矣孛羅旣誅擴廓益專李思齊等
忌其位任太高而不平則有渡河之爭太子望
其助已內禪而不應則有奪軍之命始助擴廓
以討孛羅者太子也終驅擴廓爲孛羅者亦太
子也燕京失守逆臣亦遁至正促祚內叛居多
豈必盡由外旅哉孛羅察罕初爭石嶺詔遣也
先不花脫脫木兒奴奴等解之受命不進張禎
劾其懷安釀仇不報旣而擴廓輔太子討孛羅
傳旨訪禎時事禎答書勉以廉藺之義擴廓深
然之而竟不能改上下分崩水火擊射佐鬪者
進解紛者退惟有載胥及溺而已

